

ASamuwel Aga aParəm

UDawuda fe ikú aShawulu

¹ Kà nvàngvạ uShawulu kú chit kang uDawuda le chit kạ atak nnəm igwan kạ oAmalek te, uza təm nra pạ mparəm kạ aZiklak.

² Kà nra ngga nshatding te, unəm fa kạ apak aShawulu kạ ilukwan ikankan kang kạ mbwang kạ ishi wò. Awalang vạ uza chu atak aDawuda te, uza ru zẹp kạ afu kạ mbin na ô na ichumchum á na.

³ UDawuda bẹp na pạ, <<U fa kạ che yà?>>

Uza na aman pạ, <<N chẹr kạ atak apak oIsarila.>>

⁴ UDawuda bẹp na pạ, <<Iza kạ ngga yà? Là á mi.>>

Uza na aman pạ, <<Oshozha chẹng chit kạ atak ikum. Mmá gbáng oza pạ makmak, kang uShawulu kạ uyẹyen unungwan uJonatan kú kpa.>>

⁵ UDawuda bẹp uyen nzam vạ là iyam vạ ta á na pạ, <<U nẹm sang kang u nyi pạ uShawulu kạ uyẹyen unungwan uJonatan kú yà?>>

⁶ UYen nzam vạ ta là á na pạ, <<Nvàngvạ na kạ n yà kạ apal aBam aGilbowa te, n ya uShawulu kạ ndar izẹr kạ apal abár wò, kang oga akeke ipẹri okpa ikukum kạ mba ndát kạ na.

⁷ Awalang vạ uza gaban kang uza ya mi te, uza wór mi, kang m man pạ, <Mmami nata, anəm uga nzhi.>

8 <<Uza bəp mi pa, <Mmabu uda yà?>

<<N là á na pa, <Mmami unəm oAmalek.>

9 <<Te uza là á mi pa, <Ba dat na u gbál mi, kakul mmami ka ashe izər nrwa pa gənggəng, ñnyi te, na n yà ká iriri.>

10 <<Te m ba dat kang n gbál na, kakul uza ru chit kang n nyi pa uza i lár kať. Kang n tur atagya iponzhi va ka ishishi ká nkalbang ngga igwal va ka igugwal kang m ba ká pa chatchat a bu, anəm uga nzhi mi.>>

11 Te uDawuda ká nkpaktak onungwan va nzəng ká na kpan ilukwan oza kan.

12 Oza təm ká ador kang oza yəng pa gənggəng, oza yar ndəng gbál ga chu arurong kakul aShawulu ká uyəyen unungwan uJonatan, ká oshozha aYawe, ká nzhi alsarila, kakul oza kú chit ka atak ndokchi.

13 UDawuda bəp uyen nzaṃ va ba ka nnap-nlà va ta á na pa, <<U fa ka che yà?>>

Te uza na aṃaṃ á na pa, <<Mmami uḍyanəm, uya anəm uga aAmalek, va ka ntəm ka ashe mbin bu á.>>

14 UDawuda bəp na pa, <<Iza nak kang u ghap awo bu u gbál ugargar àYawe ká, ayər nəm bu ka kať yà?>>

15 Te uDawuda là ũro ka ashe onungwan wò pa, <<Ga, gbál na.>> Te uza gəl na ka ndokchi kang uza kú.

16 UDawuda ka là á na chit pa, <<Mpyat akat nchər bu i təm ka ishibu, kakul mmabu na ká anung bu, u là ka awalang va u là pa, <M gbál uva uYawe gar á.> >>

Nnap nshì aDawuda ngga òyóng ikú kakul aShawulu ká uJonatan

17 UDawuda shì ìpyang va ta kakul ikú aShawulu ká uyiyeu uJonatan,

18 kang uza nak pa mmá dyang nnap-nshì va ta ôñəm oga aYahuda, adidin pa nnap-nshì ngga ìjang, nna yà ka ashe nlir aJashar.

19 <<Mmá gbáng onəm oga mpyal bu chit álsarila, oma kú ra ka apal oga aduktum wó, oshozha okamkam tak chit.

20 Kang mmá shet nnap va ta ka aGat kat, kat te mmá là ka apal oga asal aAshèkelon* kat.

Le kang ovan ochar oFilisti izər á chàng oza kat, le kang ovan ochar onəm oga ache amulur izər á chàng oza kat.

21 Óga abam aGilbowa, re kang ìmimyang á ra, kat te ivar a pəng ka apal wó kat,

le kang mbin ndopdop wó a na ìpirkur lap kat. Kakul kata na nggwanggwang ovan onung-gwan okamkam mmá vyap ka, nggwanggwang aShawulu mí bəl mmì a na lap kat.

22 Ìjang aJonatan iga ngbáng iriri, ndokchi aShawulu ngga òya ká ador kat.

I gbáng oshozha okamkam, i gbáng okpa ikum.

23 Mma man uShawulu ká uJonatan byet, ká iriri oza nzəng, ká ikú oza kap kat.

* 1:20 1.20 AGat ká aAshèkelon oga itong ichumchum oFilisti.

Kang oza_ghan ji oga nkumanggap ji, oza_kam
ji oga ilir ji.

24 Óvanbyen oga aIsarila, ó yéng kakul aShawulu,
uva mwak oga ilukwan inənan a wó iga
mbwai,
uva mwak ilukwan iga iyam isham iga
azənariya a wó.

25 Ovan onunggwan ikum okamkam tak chit ka
atak ikum.

UJonatan ra chit ukúkú ka apal aduktum wó.

26 Mmami ká nlak igwak pa gənggəng kakul bu
agənanng mi, uJonatan, m man bu byet.
Mman bu ka atak mi a ya ka mmal kat, a ji
mman achar ji ka ununggwan.

27 Ovan onunggwan ikum okamkam tak chit,
oga iyam ikum zhì chit.>>

2

Ma kyer uDawuda uponzhi uga aYahuda

¹ Ka nvaṅg va ta te, uDawuda bəp uYawe pa,
<<N ga itong iro ka ashe oga itong aYahuda dō?>>

Te uYawe na aman pa, <<À, ga.>>

UDawuda bəp kàdī pa, <<Nza itong n ga yà?>>

Kang uYawe na aman pa, <<AHebron.>>

² Te uDawuda ga kaṭa ká ochar wò oga oparəm,
uAhinoyam uga aJezerel, ká uAbigel, uchar
ukpələng aNabal, unəm uga aKarmel.

³ UDawuda wur onunggwan va nzəng ká na
kpa, uda nggo ká nzhi wò kang oza ga təm ka
aHebron ká itutong.

⁴ Te onunggwan oga aYahuda ba aHebron kang
a gar uDawuda ya uponzhi ka apal oYahuda.

Awalang va mmá là ûDawuda pa onungwan oga aJabesh Gileyat li uShawulu chit,

⁵ te uza re onəm oga nre ká nre ga ôza pa, <<Re uYawe a par wó ka kul ikin va ó nyám unəm uga nzhi wó uShawulu, nva ó li na á.

⁶ Re uYawe á nyám ikin ká nnandər a wó, kang mi nyám ká a wó kpa, ka kul iyam va ta ó nəm á.

⁷ Nyangmata te, ó nəm nkam igwak, ó sat pa kakkərak, ka kul uShawulu unəm uga nzhi wó kú chit, kang onəm oga aYahuda gar mi chit uponzhi oza.>>

Mma nak uIshboshet yà uponzhi uga aIsarila

⁸ Nnyi te, uAbner uya aNer, unəm uga mpyal oshozha aShawulu, ka yar uIshboshet chit uya uShawulu ga ká ka aMahanayim.

⁹ Kata uza nak na uponzhi ka apal aGileyat, ká aAshuri ká aJezerel, kang ka apal aEfrayim, ká aBenjamin kpa ká nkpaktak aIsarila.

¹⁰ UIshboshet uya aShawulu ká izun isəm pa ineding ka awalang va mmá kyər na uponzhi ka apal oIsarila, kang uza nəm iponzhi izun pa iparəm. Nnyi te, akum aYahuda ka avəng aDawuda.

¹¹ UDawuda nəm iponzhi ka apal akum aYahuda ka aHebron izun pa ifangshat ká abufo.

Ikum ká ishimshe aIsarila ká aYahuda

¹² UAbner uya aNer, nzəng ká oshozha aIshboshet uya aShawulu, oza wong re aMahanayim ga aGibiyon.

¹³ UJowap uya aZeruya nzəng ká oshozha aDawuda fa kang à gwang oza ka apyáp aga

aGibiyon. Ìdongkong iga ìzəng təm kà a gwong apyáp aro, kang iro təm kà a gwong aro.

¹⁴ UAbner là ùJowap pà, <<Re í nak ovan nẓam oro á lung owan oẓa kà mpyal yi.>>

Te uJowap là pà, <<Aməma, re oẓa á lung.>>

¹⁵ Te mmá yak onungwan pà ogbapchi aman pà parəm kà anung aBenjamin ká uIshboshet uya aShawulu, kang pà ogbapchi aman pà parəm kà anung aDawuda.

¹⁶ Udanggo kpán ukpa ìkum wò kà ishi, kang à kyer kà ndokchi kà alyaklyak, te nkpaktak oẓa tak kú. Mmá pà adín atak vā ta kà ashe aGibiyon pà, aHelkat Hazurim, ipipir pà agbagba aga ndokchi.

¹⁷ Te ìkum vā ta sur byet n̄da vā ta, kang onungwan aDawuda ri uAbner ká onungwan oga oIsarila ká ìkum.

¹⁸ OVan onungwan aZeruya oga oshatding oma kà yà kà ta, uJowap, ká uAbishayi, ká uAsahel. UAsahel, uva i chər wa nkar,

¹⁹ a b̄an ngwà uAbner, uẓa lyep awo ari kat te awo apəram kat.

²⁰ UAbner gaḃan kang à bəp na pà, <<Mmabu d̄ò áAsahel?>>

UAsahel na aman pà, <<À, mmami na.>>

²¹ UAbner là á na pà, <<Gaḃan awo ari kat te awo apəram, na u b̄ak uro kà ashe ovan nẓam vā ta, na u vyat iyam ìkukum.>> N̄nyi te, uAsahel re ngwà na kat.

²² UAbner won na kàḋi pà, <<Re mb̄ak mi. Mi gb̄al bu sang yà? Mi gb̄al bu te, mi gwang ìwu ká ugənanng bu uJowap sang yà?>>

23 Ñnyi te, uAsahel yang ká nre ngwà na, kang uAbner tar na ká ìjili abar ka afu kang abar ga fa ka asəsəm. Uza ru kàta kang uza kú. Unəm va pa kpaktak ba chu atak va uAsahel ru kú kà te, i sat i dər.

24 Ñnyi te, uJowap ká uAbishayi bàk nvàng àAbner. Alum ka ntar te, oza chu aduktum aAmma dat ká aGiya, ka asal a ga ngga nzam àGibiyon.

25 Te oshozha aAbner ká akum ìjili aBenjamin gwang ishi oza təm ìdongkong pa ìzəng ka apal aduktum pa na ó ga ikum.

26 UAbner ləp achu uJowap pa, <<Í dāmshi nnap yi ká ndokchi na chwat dō? U nyi pa nkukur te, idudul nkpaktak yi kat dō? Azəmo bu wór onungwan bu i re ngwà oIsarila ogənanng oza yà?>>

27 Te uJowap là á na pa, <<N sòng anung chit ká Inan iga iriri, ká yà pa u là nnap va ta kat te, í yar chit pa í bàk wó atak i ga i tan.>>

28 Te uJowap bur agbəshi kang nkpaktak oshozhashozha tong, oza re ngwa oshozha oIsarila, te oza re nlung ikum.

29 Ka ashe nkpaktak ìzwam va ta uAbner ká onungwan wò le wòl mbandam aUrdun. Oza pang awang, oza ga mpyal ka achen ga chu ipin ikpakpak ká ipin, oza tong kat ga chu aMahanayim.

30 Nvàngva uJowap re ngwà uAbner chit, te uza but nkpaktak oshozha wò. Kang uza kúng oza te, uza lang onungwan wò pa ogbapchi aman pa fangzəngtəng gwang ká uAsahel kat.

³¹ Ñnyi te, onəm aDawuda gbáng onəm aAbəner igbāl pā ishatđing ká isəm pā ikpāđing, nkpaktak oza ká akum ijili àBenjamin.

³² UJowap ká onəm wò yar akúm aAsahel ga aBet-Lehem ká, kang oza ga li na ká ashe awap apupon. Te oza wong achen ká izwam va ta, oza ba chu aHebron ká atak tantàn.

3

¹ Mmá nəm inok nnəm ikum gbang nvang pā makmak ká ishimshe onəm oga nzhi àDawuda ká onəm oga nzhi aShawulu. Ñnyi te, uDawuda ká nkám ká nkám, kang nzhi aShawulu ká nrusok ká nrusok.

² Ovan onungwan va ta mmá mar ûDawuda ká aHebron, uyen uga nggəshi te, uAmnon, uwa unənanang uAhinoyam uga aJezerel.

³ Uyen uga uparəm te, uKileyap, uwa unənanang uAbigel, uchar àNabal ukpələng, uyen uga ushatđing te, uAbsalom, uwa unənanang uMaka uyen uchar àTalmi, uponzhi uga aGeshur.

⁴ Uyen uga uneding te, uAdonija, uwa unənanang uHagit. Uga utukun te, uShefatiya, uwa unənanang uAbital.

⁵ Kang uga ukpāđing te, ultireyam, uwa unənanang uEgla. Nkpaktak ovan onungwan va ta uDawuda mar ká aHebron.

UAbner gwang inal ká uDawuda

⁶ Ká awalang va ikum ká yà ká ishimshe nzhi aDawuda ká nzhi aShawulu te, uAbner ká nnak atak nsat wò ká nkam ká nkam ká ashe nzhi aShawulu.

7 UShawulu uwa ka yà ká uchar uro uva uza nak ka nzhi adidin pa, uRizpa, uya àAya uchar. Ká nda nro te, uIshboshet bəp uAbner pa, <<Sang kang bu ra ká uchar va aPo mi nak ka nzhi yà?>>

8 Igwak làk uAbner byet kakul iyam va uIshboshet là á. Te uza na aman pa, <<U rəng pa mi ra ijili aShawulu dò? U rəng pa mmami ka nləp asəm aYahuda dò? Nda va ta na n yà kà nkpak nnap nnəm n̄zhi aPo bu uShawulu ká ogənanngənan, ká okpəkpa. Kang na n na bu chit ka ashe awo aDawuda ka. Ká nna kpa te, n̄yangmata, ka apal achar va ta na bu ya mpat mi kà dò?

9 Re Inan á yar irirì mi, a yà pa n nəm ûDawuda iyam va uYawe yar nsar nnap nlələ á na ka atak nsóng anung ka á,

10 nna pa o tur iponzhi ka nzhi aShawulu kang o pak itok iponzhi aDawuda ka apal oIsarila ká aYahuda, i b̄an ka aDan i ga i chu aBeyersheba.>>

11 UIshboshet là iyam iro ûAbner lap ka, kakul uza kà nnəm ayəyər.

12 Te uAbner re nre ka onəm oga re ga atak aDawuda pa á bəp na pa, <<Mbin va ta nji a da yà? Yar nsar nnap-nl̄à ká mi, te mi kamshi bu, mi ba ká nkpektak oIsarila i yà ka avəng bu.>>

13 UDawuda na aman pa, <<A byen byet, mi yar nsar nnap-nl̄à yar ká bu. N̄nyi te, n dom iyam iro pa izəng ka atak bu, kang wa ba mpyal mi ka, ya bu ba ká uMikal uya aShawulu uchar kang, awalang va bu ba n̄ya mi á.>>

14 Te uDawuda re onəm oga n̄re ûIshboshet uya aShawulu unungwan, na á là a na pa, <<Na

uchar mi uMikal á mi, uva n mwa ìdudur ka_ oga awa ache oFilisti ìgbàl.>>

¹⁵ Te uIshboshet nak ga mma yar uMikal ka atak abəbar uPaltiyel, uya aLayish unungwan.

¹⁶ Ubəbar yar nvaṅg achar wò ká ayéng á ga chu ká ka_ aBahurim. Te uAbner là á na pa, <<Le nzhi.>> Te uza_ le nzhi.

¹⁷ UAbner nəm ichən ká onəmgbak oIsarila kang à là pa, <<A gbang nvaṅg chit nva_ ka_ ó dom uDawuda pa_ a yà uPonzhi wó.

¹⁸ Nyangmata_ te, o nəm iyam_ va_ màl, ka_kul uYawe ka_ yar nsar nnap-nlà ûDawuda pa, <Ka_ atak aDawuda na mi kamshi onəm mi oIsarila ka_ ashe awo oFilisti ká_ nkpaktak afo okpa ikum oza_> >>

¹⁹ UAbner là nnap ká_ akum ijili aBenjamin kpa. Te uza_ ga aHebron ka_ atak aDawuda pa_ ô là á na iyam_ va_ oIsarila ká_ nkpaktak akum ijili aBenjamin dom pa_ ó nəm.

²⁰ Awalang va_ uAbner ká_ onəm isəm pa_ iparəm ga aHebron te, uDawuda nəm iyam-nrì iga nchang izər ôza_.

²¹ Te uAbner là ûDawuda pa, <<Re n ga n wór nkpaktak oIsarila á ba atak anəm uga nzhi mi, uponzhi na oza_ á yar nsar nnap-nlà ká_ bu, kang bu nəm iponzhi ka_ apal oza_, wa nva_ ìgwak bu dom.>> Te uDawuda re uAbner, kang uza_ le nzhi ká_ ikánkáng.

UJowap Gba_ uAbner

²² Ta byet te, onəm ikum aDawuda ká_ uJowap le ka_ atak ikum, kang oza_ ba ká_ iyam_ iga ngwur ka_ atak ikum pa_ makmak. Nnyi te, uAbner yà nzəng

ká uDawuda ka aHebron lap kaṭ, kakul uDawuda re na chit, uza ga ká ikánkáng.

²³ Awalang va uJowap ká nkpaktak oshozha va nzəng ká na ba chu te, uza fe pa uAbner ba atak aponzhi kang uza le chit ká ikánkáng.

²⁴ Te uJowap ga atak aponzhi kang à là á na pa, <<Iza u nəm ta ya? Dər uAbner ba atak bu, sang kang u re na ga ya? Nyangmata uza ga chit.

²⁵ U nyi pa, uAbner uya aNer unungwan ba pa ô lam bu na ô ya achen bu ká nkpaktak iyam va mmabu ka nnənəm.>>

²⁶ UJowap fa ka atak aDawuda te, uza re onəm oga nre pa a ga á ba ka uAbner kang oza ga ya na kà ndəng nkapkap ngga aSira, oza ba ká na. Nnyi te, uDawuda nyi iyam iro ka apəpal kaṭ.

²⁷ Nva uAbner ba chu aHebron te, uJowap tar ká na ka ashe nzhi ngga ngbak anung asal aga ntar itong wa uza dom nnəm ichən ká na. Te uza kyer uAbner ka afu a gbal na, kakul mpyát akat agənang wò, uAsahel va uza ka gbal á.

²⁸ UDawuda wong fe nnap va ta te, uza là pa, <<UYawe nyinyi pa mmami ká iponzhi mi mbyet, awo yi ya ka ashe ntar nchər aAbner, uya aNer unungwan kaṭ.

²⁹ Re mpyat akat nchər aAbner á ya ka apal ishi aJowap ká nkpaktak nzhi apupo. Re nza nlwàk nggo ka ashe onəm aJowap kang mma lang unəm uga ngwàr afən, kaṭ te unəm uga nlak, kaṭ te unəm uga nta ká idari, kaṭ te unəm va mma gbal ka atak ikum, kaṭ te unəm uga nlang iyam-nri ka ashe onənəm kaṭ.>>

³⁰ Wa nna ta uJowap ká ugənanang wò uAbishayi gbál uAbner kakul agənanang oza uAsahel uva uAbner gbál ka atak ikum ka aGibiyon á.

³¹ Te uDawuda là uJowap ká nkpaktak onəm va nzəng ká na pa, <<Ó kan ilukwan wó na ó mwak aryakryak na ó yéng ikú aAbner.>> Kang uponzhi uDawuda yar nvəng akúm ga ká ka atak awap.

³² Oza li uAbner ka aHebron te, uponzhi tul ayéng pa bobo ka anung awap aAbner, kang nkpaktak onəm bà ayéng kpa.

³³ Te uponzhi shì ipyang va ta uAbner pa, <<Iza nak kang uAbner ikú wa mpərək yà?

³⁴ Mmá ran awo a bu ka, mmá pá nzwar a bu ka ashər ka.

U kú wa anəm va onəm obáŋgbəng à gbál.>> Kang nkpaktak onəm yéng kàdī kakul aAbner.

³⁵ Te nkpaktak onəm ba chal uDawuda pa uza á ri iyam-nrì ká alum na byet, ònyi te, uDawuda sòng anung pa, <<Re Inan á yar irirì mi, a yà pa n ri iyam iro kang alum i tar á.>>

³⁶ Nkpaktak onəm dər nnap va ta te, á chàng ká oza, nkpaktak iyam va uponzhi nəm te, á chəchàng ká oza.

³⁷ Ká nda va ta te, nkpaktak onəm va ka ta ká nkpaktak oIsarila nyi pa uponzhi yà ká awo ka ashe ngbál uAbner uya aNer unungwan ka.

³⁸ Te uponzhi là onəm wò pa, <<Ó nyinyi pa nda va ta unəm uga mpyal ikum uchumchum ka ashe aIsarila kú chit ka dó?

³⁹ Kang nda va ta, káp ká nva mmami na uponzhi ugargar te, ovan aZeruya onungwan oga oparəm va ta, uJowap ká uAbishayi oza mat

mi maṭ. Re uYawe á pyat akat ûnəm uga nnəm inga kakul ingənga va uza nəm á.>>

4

Mma gbaḷ uIshboshet

¹Awalang va uIshboshet, uya aShawulu unung-gwan fe ikú aAbner ka aHebron te, igwal rusok ka na, kang ayər nəm nkpaktak oIsarila.

²Nyangmata te, uIshboshet uya aShawulu unung-gwan uwa ka ya ká onəm pa oparəm, uBana ká uRekap, ova onəm oga mpyal onəm oga mba nru atak ká ikum. Oma ovan aRimmon onung-gwan, unəm uga aBerot ka akum ijili àBenjamin kang mma nak pa aBerot ka ashe mbin aBenjamin,

³kakul onəm oga aBerot chəng ga aGitayim, oza ga təm kata wa onəmchən n̄da va ta.

⁴UJonatan uya aShawulu unung-gwan uwa ka ya ká uyen unung-gwan ugurum, adidin pa uMefiboshet. Uza ka ya ká izun pa itukun awalang va mmá fe ikú aShawulu ká uJonatan ka atak ikum ka aJezerel. Te uchar va i nakshi ká uyen va ta yar na ká ngghaṇ chér ká. Uza ka ashe nchér te, uyen va ta ru te, ya ugurum.

⁵URekap ká uBana, ovan aRimmon onung-gwan unəm oga aBerot, oza ga nzhi aIshboshet ká alum ka apal ndəng ya uza wa ka nra ka njul.

⁶Oza táng ashe nzhi na oza kà ndom pa ó yar izangzəng te, oza kyer na ka afu, kang uRekap ká uBana chəng.

⁷Awalang va oza ka ga ashe nzhizhi te, ya uIshboshet uwa ka nra nda ka apal alyer wò. Te

oza kyer na, kang oza gbál na, oza gəl ishishi, kang oza yar chen ka ka ashe nkpaktak izwam va ta ka mbandam aUrdun.

⁸ Oza ba ká ishi aIshboshet ûDawuda ka aHebron, kang oza là ûponzhi pa, <<Ishi aIshboshet uya aShawulu ununggwan nata, ukpa ikum bu, uva ka ram irirì bu á. Nda va ta uYawe pyát ûnəm uga nzhi yi uponzhi chit ka apal ishi aShawulu ká nzhizhi.>>

⁹ Te uDawuda na aman ûRekap ká ugənanngənanang uBana, ovan aRimmon onunggwan unəm uga aBerot pa, <<Ká nva uYawe uwa yà ká irirì, uva fa ká mi ka ashe nkpaktak ndaktak,

¹⁰ awalang aro te, unəm uro ba atak mi ka aZiklak là á mi pa, <UShawulu kú chit,> kang uza rəng pa ò ba ka nnap ngga nchàng nfe á mi, te n kpan na n gbál. Amumwa na n na á na ta kakul nnap va uza ba ka á.

¹¹ Kang mmawó onəm obángbàng va ta, ó gbál unəm unənan ka ashe nzhizhi ka apal iyam nrəra, i ga mbàng a wó i jiji. Mí ram nchèchèr ka ashe awo wó, kang mí dəkən wó ka apambin va ta.>>

¹² Te uDawuda nak oshozha wò pa á gbàng oza, kang oza gbàng oza. Oza kyen oga awo ká ashar oza, kang oza zong izər oza ka anung apyáp ka aHebron. Nnyi te, oza yar ishi aIshboshet ga li ka ashe awap aAbner ka aHebron.

5

UDawuda nyang uponzhi ka apal oIsarila

¹ Nkpaktak akum ìjili oIsarila ga atak aDawuda ka aHebron kang oza là á na pa, <<Mmayi ìzhe bu, mmayi nchër bu.

² Ká mmatmat, awalang va uShawulu wa ka yà uponzhi ka apal yi te, mmafu na ka yà unəm uga nlép mpyal oIsarila ka ikum. Kang uYawe là a bu pa, <Bu ga nkpak onəm mi oIsarila, kang bu yà unəm uga mpyal oza.> >>

³ Awalang va nkpaktak onəmbak oIsarila ba atak aPonzhi uDawuda ka aHebron te, uponzhi yar nsar nnap ká oza ka mpyal aYawe, kang oza gar uDawuda uponzhi ka apal oIsarila.

⁴ UDawuda ka yà ká ìzun isəm pa ishatding ka awalang va uza yà uponzhi, kang uza nəm iponzhi ìzun isəm pa ìneding.

⁵ Uza nəm iponzhi ka apal aYahuda ka aHebron ìzun pa ifangshat ká apye pa kpading, kang ka aUrushelima te, uza nəm iponzhi ka apal nkpaktak aIsarila ká aYahuda ìzun isəm pa ishatding aman pa shatding.

UDawuda kam itong aUrushelima ká ikum

⁶ Uponzhi ká onungwan wò ga aUrushelima kakul pa na ó ru oJebusi ká ikum va ka ntəm kata. OJebusi là uDawuda pa, <<Bu yà ka ñtar kata kat, onəm ofofo ká onəm ogurumgurun kur mbak bu kur.>> Oza rəng pa, << UDawuda i tar kata kat.>>

⁷ ASiyona na yà ká akamselang akamkam, kap ka nna te, uDawuda ri ká ikum, kang a tal iTong aDawuda.

⁸ Nda va ta uDawuda là onəm wò pa, <<Unəm va pa kap dom pa ô nəm igwan ká oJebusi te, nkpak pa uza i wòl asal ka asal va ndəng inang

kà, kà asāl va ta o ru <onəm ogurumgurum ká ofofo> ova okpa ikum aDawuda á.>> Nna nak te, oza i là pa, <<Onəm ofofo ká ogurumgurum i táng ashe nzhi iponzhi kat.>>

⁹ UDawuda nak itong iga akamsəlang akamkam va ta təm atak ntətəm, kang uza wór pa iTong aDawuda. Uza me akamsəlang abalbal gang itong va ta, bən kà aMilo, atak va mma yél ká mbin kà asāl nfa alum aduktum.

¹⁰ Kang uza yà ká ichumchum pa gənggəng kakul uYawe, Inan uGa ngGatək uwa yà nzəng ká na.

¹¹ Nyangmata te, uHiram uponzhi uga aTaya re nre ká onəm oga nre ūDawuda, nzəng ká akún asida, ká onəm oga mpak iyam ká akún, ká onəm oga mme nzhi ngga ipang, kang oza me nzhi iponzhi ūDawuda.

¹² Te uDawuda nyi pa uYawe nak wò chit ò tal uponzhi kà apal oIsarila, kang uza rup ká iponzhiponzhi chit kpa kakul onənəm oIsarila.

¹³ Kà nvəngva uDawuda wong re aHebron te, uza kam ochar va mí nak kà ashe nzhi pa kùk kang uza kam ochar oga ivang kà aUrushelima, kang oza mar ovan onungwan ká ovan ochar á na pa makmak.

¹⁴ Oga adin ovan onungwan va ta mma mar ūDawuda kà aUrushelima, uShammuwa, ká uShobap, ká uNatan, ká uSolomon,

¹⁵ ká uIbhar, ká uElishuwa, ká uNefek, ká uJafiya,

¹⁶ ká uElishama, ká uEliyada, ká uElifelet.

UDawuda ri oFilisti ká ikum

¹⁷ Awalang va oFilisti fe chit pa mma kyer uDawuda chit uponzhi ka apal oIsarila, te oza fa pa kpaktak ga nram na. Nnyi te, uDawuda fe te, a fa ga atak mbwam.

¹⁸ OFilisti ba chu te, oza zal ka ashe mbandam aRefayim.

¹⁹ Te uDawuda bəp uYawe pa, <<N ga n ru oFilisti ka ikum dō? Bu na oza na ka ashe awo mi dō?>>

Te uYawe na aman a na pa, <<Ga, nnandər, mi na oza na ka ashe awo bu.>>

²⁰ Te uDawuda ga aBal Perazim, kang kata uza nəm igwan ka oFilisti. Uza la pa, <<Wa nva ndəng kakchi awang te, uYawe tul onəm ikum mi chit ka mpyal mi.>> Kakul nva ta te, mí wor atak va ta pa, aBal Perazim, ipipir pa uYawe uwa tul.

²¹ OFilisti chəng re oga ichər oza kata, kang uDawuda ka onungwan wò wur oza ga ka.

²² OFilisti le ba zal ka mbandam aRefayim kadi.

²³ Te uDawuda bəp ka atak aYawe, kang uYawe na aman á na pa, <<Kang wa ga ka oza nzwang kat, nnyi te, fa oza ka asal nsəm, kang bu ru oza ka ikum ka mpyal ikun abalsam.

²⁴ Wa fe na byet atak i pyep i chən ka apal ikun abalsam te, wa ga ka ngghən kakul nna ta i nyám pa uYawe watar mpyal a bu chit pa na ô gbáng oshozha oFilisti.>>

²⁵ Te uDawuda nəm wa nva uYawe ka nak na, kang uza ban ngbáng oFilisti ka aGibiyon ga chu aGezer.

6

UDawuda ba ka akwati aga nsar nnap-nla ka

aUrushelima

¹ UDawuda but nkpaktak oshozha oga ñnyi nnəm ikum kađi oga aIsarila, ikalong isəm pa ishatđing.

² Uza ká nkpaktak oshozha wò ga aBala ka aYahuda pa na o ba ká akwati aga nsar nnap-nlà Inan va ka ta, ava mí wór ká Adín, adín àYawe uGa ngGatək, uva təm ka itok iponzhi va ka apal akwati aga nsar nnap-nlà ka ishimshe oga akerup*.

³ Oza yar akwati aga nsar nnap-nlà Inan ka nzhi aAbinadap, nva ka apal aduktum, oza nak ka apal akeke apipyē va ina i dap. UUza ká uAhiyo, ovan aAbinadap onunggwan, oma ka mpángchí akeke apipyē va ina i dap á,

⁴ nzəng ká akwati aga nsar nnap-nlà Inan ka apəpal, kang uAhiyo uwa kà nchen kà mpipyal.

⁵ UDawuda ka nkpaktak oIsarila kà nnəm nchang izər ká nkpaktak ikam oza kà mpyal aYawe, oza kà nshì nnap-nshì, ká nnəm oga iyam wa abwa, ká abwa acham, ká apanggang, ká aláláji, ká nchanggong.

⁶ Oza ba chu atak mpək iyam aga aNakon te, uUza yichi awo kpan akwati aga nsar nnap-nlà Inan ká kakul ina va kà ndap akeke va ta ləp ifang.

⁷ Te igwak làk uYawe ka uUza, kakul uza na ichumchum Inan kat, nva uza kpan akwati va ta á. A nak te, Inan ləp na kang uza ru kú ka ngbak akwati va ta.

* **6:2 6.2** *akerup* Iyam iga apabúr ká abasəm, iva i nyám ñyà àYawe ká ichumchumchumchum.

⁸ Te uDawuda mən ìkum, kakul nva uYawe nyám nlak igwak ka apal aUza á, kang ba chu nda va ta mí wor atak va ta pa, aPerez aUza, ìpipir pa ònyám nlak igwak ka apal aUza.

⁹ UDawuda nəm ayər aYawe nda va ta, kang uza là pa, <<Mi nəm sang kang akwati aga nsar nnap-nlà aYawe va ta i ba atak mi ya?>>

¹⁰ Uza dom pa o yar akwati aYawe va ta a ya nzəng ka wò ka ashe iTong aDawuda ka. Kaḍor nva ta te, uza ga ká ka nzhi aObet Edom unəm uga aGat.

¹¹ Akwati aYawe təm ka ashe nzhi aObet Edom ape pa shatḍing, kang uYawe par na ká nkpaktak onənəm.

¹² UPonzhi uDawuda fe pa, <<UYawe par nzhi aObet Edom chit ká nkpaktak iyəm va uza ka, kakul akwati aga nsar nnap-nlà Inan va ta.>> Te uDawuda fa ga pa ô ba ká akwati va ta ka ashe iTong aDawuda ká nchang igwak.

¹³ Ka nvaṅgva onəm oga nyar akwati aga nsar nnap-nlà aYawe va ta ga ka chit ntong ashar pa kpaḍing, te uDawuda yichi nləfər ngga akut ká iya ina va mma kang ka nzhi.

¹⁴ UDawuda pá ìlukwan ìkwoksok iga alinin, kang uza gbap nzaṃ ká kà mpyal aYawe ká kpaktak ikam wò,

¹⁵ nva uza ká nkpaktak oIsarila kà mba ká akwati aga nsar nnap-nlà aYawe te, oza kà nghan achu ká mbur oga agbəshi.

¹⁶ Nva akwati aga nsar nnap-nlà aYawe kà ntar ashe iTong aDawuda te, uMikal uya aShawulu uchar bál kà mbol ayir nzhi. Kang awalang va uza ya uPonzhi uDawuda kà myat kang kà ngbap

nzaṃ kà mpyal aYawe te, uzaṃ bak na kaṃ ashe igwak wò.

¹⁷ Ozaṃ ba ká akwati aga nsar nnap-nlà aYawe kang ozaṃ nak kaṃ ashe aghal vaṃ uDawuda pak kakukul á, kang uDawuda yichi oga iyaṃ inana iga nshì paṃ ḏwot ká iga ntəm ikángkáng kà mpyal aYawe.

¹⁸ Nvaṅvaṃ uzaṃ gbaṃ ká ñyichi oga iyaṃ inana iga nshì paṃ ḏwot ká iga ntəm ikángkáng te, uzaṃ paṃ onəm kaṃ ashe aḏin aYawe uGa ngGatək.

¹⁹ Te uzaṃ kap nzəngkəng ká awar akulom abitbit ká awar ibəngbəng mb̄itbit n̄zaṃ unəm nggo kaṃ ashe nkpaktak nggatək oIsarila, nkpaktak onungwan ká ochar. Kang nkpaktak onəm le oga nzhi ozaṃ.

²⁰ Awalang vaṃ uDawuda le nzhi paṃ na ô paṃ onəm oga ashe nzhi wò te, uMikal uya aShawulu uchar fa paṃ na ô gwang na, kang à là paṃ, << Uponzhi oIsarila nəm iyaṃ ichumchum chit ká n̄da vaṃ taṃ, nvaṃ uzaṃ bol izər re kà mpyal ozwal ovan ochar ozuzwal wa nva nzaṃ uyen uga ayər nggo i nəm á.>>

²¹ UDawuda na aman̄ ûMikal paṃ, <<N gbap nzaṃ kaṃ mpyal aYawe, uva yak mi kaḏor apo bu, kaṭ te nzaṃ unəm nggo kaṃ ashe nzhizhi. Uzaṃ nak mi chit n sat unəm uga mpyal onəm aYawe chit, oIsarila. Kakul nvaṃ taṃ te, mi nəm nchang izər kà mpyal aYawe.

²² Mi bak ishi mi bak i ji nvaṃ taṃ kang mi yen ká ishi mi yen kaṃ mpyal bu. Ñnyi te ovan ochar vaṃ u là nnap ozaṃ te, ozaṃ i na ichumchum na á mi.>>

²³ Te uMikal, uya aShawulu uchar mar kaṭ ga kú pa.

7

Inan yar nsar nnap-nlà ûDawuda

¹ Nvangvā uPonzhi uDawuda tēm chit k_a ashe nzhi iponzhi wò, kang uYawe na njul á na chit k_a atak nkpaktak okpa ìkukum v_a gang na,

² te uza là ûNatan unēm uga nlà ichu Inan pa, <<Dər, mmami k_a nra k_a ashe nzhi iponzhi ngga akun asida, kang akwati aga nsar nnap-nlà Inan na tēm k_a ashe aghal.>>

³ UNatan na aman ûponzhi pa, <<Nkpaktak iyam v_a mmabu k_a k_a ashe ìgwak te, wa ga mpyal k_a, nēm kakul uYawe wa nzəng k_a bu.>>

⁴ K_a izwam v_a ta te, uYawe là ûNatan pa,

⁵ <<Ga là ûzwal mi uDawuda pa, iyam v_a ta uYawe là, <Mmabu na bu me nzhi á mi nva mi tēm k_a ashishe dò?

⁶ N na n tēm chit k_a ashe nzhi nro kat, b_an k_a n_{da} v_a n fa k_a oIsarila k_a ashe aMasar b_a chu nda v_a ta. Mmami k_a nranggang pa dəkər k_a aghal, nna atak ntēm mi.

⁷ Nkpaktak atak v_a n ga k_a k_a oIsarila te, k_a n là ûnēm uro chit k_a ashe onēm oga mpyal oIsarila v_a n nak pa á kpak onēm mi oIsarila pa, <<Sang kang u me nzhi ngga akun asida a mi kat yà?>> >

⁸ <<Nyangmat_a te, là ûzwal mi uDawuda pa, <Iyam v_a ta uYawe uGa ngGatək là. N yar bu ya na mmabu k_a nkpak iyam nkang kang n nak bu u yà unēm uga mpyal onēm mi oIsarila.

⁹ Na k_a n yà nzəng k_a bu k_a nza atak nggo v_a u ga, kang n zhì nkpaktak okpa ìkum bu k_a mpyal bu. Nyangmat_a mi ga nnak adin bu i dam, wa adin onēm odamd_a k_a ashe apambin.

¹⁰ Kang mi ga nna atak ôñəm mi oIsarila kang mi nak oza i təm kà na oza a yà ká nzhi ngga ishi oza kang mí ðak oza lap kať. Onəm obángbang i kar oza lap kať, wa nva oza ka nəm ôza mmatmat á,

¹¹ kang oza ka yà ka nnəm pa ka awalang va n nak onəm oga mpyal ôñəm mi oIsarila. Mi ga nna njul a bu kpa ka atak nkpaktak okpa ikum bu.

<< <UYawe là a bu pa, mmawò na ká ishi wò ò ga nnak nzhi bu i nəm iponzhi mbyet.

¹² Awalang va nra bu chu chit kang u kú te, mi ga ngwong ká uro ka ashe akum ijili bu pa a yar atak nsat bu, kang mi pak iponzhiponzhi ikam.

¹³ Uza wa i me nzhi kakul ađin mi. Kang mi pak itok iponzhiponzhi i təm mbyet.

¹⁴ Mi yà upupo, kang uza i yà uyen mi ununggwan. A yà pa uza á nəm mpat te, mi nəm inok ká onəm i nyám ntàn á na. Onəm oma i sat nlilyat á na.

¹⁵ Nnyi te, mi yar mman mi i le ka apal ishishi kať, wa nva n yar ka le ka apal aShawulu á, uva n tur na le kang n nak bu uponzhi á.

¹⁶ Nzhi bu ká iponzhi bu i ga ntəm ká mpyal mi mbyet, kang mi ga mpak itok iponzhi bu mbyet.> >>

¹⁷ UNatan là ûDawuda nkpaktak oga iyam va ka ashe alár va ta.

Afar aDawuda aga ađəngchi

¹⁸ Te uPonzhi uDawuda tar kang à təm kà mpyal aYawe, kang uza là pa,

<<Mmami uda yà, uNəm Uga Nzhi uYawe, onəm mi oda yà, kang u ghap mi wa nta yà?

¹⁹ Kang na ka nna à kúr ka bu chit kaṭ, uNəm Uga Nzhi uYawe, u là nnap chit kpa ka apal iyam va i ga nyà kà nzhi azwal bu ká nnap mpakpak va ta, uNəm Uga Nzhi uYawe, wanta na bu nəm ûnəmləbər dò?

²⁰ <<Iza mi là a bu lap yà? Kaḱul u nyi uzwal bu nyi, aYawe uGa iChumchum.

²¹ Kaḱul nnap-nlà bu kang ka atak ndom bu, u nəm iyam ichumchum va ta, kang u nak uzwal bu nyi.

²² <<Mmaḅu na uga uchumchum, aYawe uGa iChumchum. Unəm uro yà wa nji bu kaṭ kang Inan iro yà wa nji bu kaṭ, wa nva i fe ká oga achwang yi á.

²³ Kang uda wa onəm bu oIsarila yà? Mbin nro yà ka apambin nva Inan ga pa ô kam ishi oza îshi wò na ô nəm adín îshi wò kaṭ. U nəm iyam ichumchum ôza ká iga ndaktak, ka atak mbak oga mbin ká oga inan oza ka mpyal onəm bu ova u kam ishi oza îshi bu ka aMasar á.

²⁴ U nak oIsarila chit tong onəm bu mbyet, kang mmaḅu, áYawe, u yà Inan oza.

²⁵ <<Kang ñyangmata, áYawe Inan, nəm wa nva u yar nsar nnap-nlà ka apal ishi azwal bu ká nzhizhi mbyet. Yəl ká wa nva ka u yar chit,

²⁶ na adín bu a rup mbyet. Te onəm i là pa, <UYawe uGa ngGatək uwa Inan oIsarila.> Kang bu ga nnak nzhi azwal bu uDawuda i təm ka mpyal bu.

²⁷ <<ÁYawe uGa ngGatək, Inan oIsarila, u nyám ká iyam va ta chit ûzwal bu, u là pa, <Mi nak nzhi bu i nəm iponzhi mbyet.> A nak te, igwak kam ûzwal bu pa afar afar va ta a bu.

28 ÁYawe uGa iChumchum, mmabu na Inan. Nsar nnap-nlà bu nnandər, kang u yar nsar nnap-nlà iyam inənanə və tə ūzwal bu.

29 Nyangmatə wa məman te, wa par nzhi azwal bu na á təm kə mpyal bu mbyet. Kəkul mmabu, uNəm Uga Nzhi uYawe kə u là chit, kang kə mpar bu, nzhi azwal bu i par mbyet.>>

8

Oga igwan aDawuda

1 Kə ashe ngga te, uDawuda nəm igwan kə oFilisti kang uə kəm itong aMetek Amma kə atak oFilisti, kang uə nak oə tong ozwal wò.

2 UDawuda nəm igwan kə oMowap kpa. Uə nak oə ra kə mbin, kang uə màl oə kə mmàl asang. Nzə mmàl nggo pə mparəm te, mí gbáng oə, kang mmàl ngga nshatding te, mí re kə irirì. OMowap təm ozwal aDawuda kang i mwa mbwai mbin á na.

3 Kađi te, uDawuda nəm igwan kə uHadadezer uya aRehop unungwan, uponzhi uga aZoba, kə awalang və uə ga anung awang aYufriti pə na kə ô le kə atak və ta a yə kə akum ichumchum wò á.

4 UDawuda wur oshozha oga akeke ipəri ikalong kə igbəl pə ifangshat, kə oshozha oga nchèn kə ashər ikalong isəm pə iparəm. Uə kyèn ashər ipəri və ta pə kpaktak tong igùrum, kang uə re ipəri iga ndap akeke igbəl.

5 Awalang və onəm oga aSuriya kə aDimaska ba pə na ó kəmshi aHadadezer uponzhi uga aZoba te, uDawuda gbáng oə ikalong isəm pə iparəm aman pə parəm.

⁶ Uza₁ nak oga idongkong oshozha ka₁ ashe mbin aDimaska ka₁ aSuriya, te oSuriya tong ozwal aDawuda, oza₁ i mwa mbwai mbin á na. UYawe na igwan ûDawuda atak va₁ uza₁ i ga ka₁ pa₁ kpaktak á.

⁷ UDawuda vyat oga nggwanggwang azənariya onəm oga mpyal ikum aHadadezer kang à ba ka₁ ka aUrushelima.

⁸ Kang uza₁ wur oga acham arəzang pa₁ makmak ka₁ ashe itong aTeba ka₁ aBerotayi va ka₁ akum iponzhi aHadadezer.

⁹ Ka nvangva uToyu uponzhi uga aHamat fe pa uDawuda nəm igwan ka₁ nkpaktak oshozha aHadadezer chit,

¹⁰ te uza₁ re uyen wò unungwan, uJoram ka₁ atak aPonzhi uDawuda pa₁ a re anung á na, na shep na kakul igwan va₁ uza₁ nəm ka₁ apal aHadadezer uva pak inok nlung ikum chit ka₁ uToyu. UJoram ba ka₁ imwa oga iyam aazurfa ka₁ azənariya, ka₁ acham arəzang ûDawuda.

¹¹ UPonzhi uDawuda gor oga iyam va₁ ta₁ pa₁ kpaktak ûYawe, wa nva uza₁ ka₁ nəm ka₁ aazurfa ka₁ azənariya va₁ uza₁ wur ka₁ atak oga mbin va₁ uza₁ ri ka₁ ikum á.

¹² Oga mbin va₁ ta₁ uza₁ ri ka₁ ikum, aEdom ka₁ aMowap ka₁ aAmmon ka₁ aFilisti ka₁ aAmalek. Uza₁ gor oga iyam va₁ uza₁ wur ka₁ atak ikum ka₁ atak aHadadezer uya aRehop unungwan uponzhi uga aZoba kpa.

¹³ Kang adin aDawuda dam byet, nvangva uza₁ le ka₁ atak ngbáng onəm oga aEdom ikalong pa₁ igbapchi aman pa₁ nanne ka₁ ashe Mbandam Mman.

¹⁴ Uza nak oga idongkong oshozha ka ashe nkpaktak aEdom kang nkpaktak oEdom tēm ka avəng aDawuda. UYawe na igwan ûDawuda ka nkpaktak atak va uza ga kâ.

Onəm oga mpyal iponzhi aDawuda

¹⁵ UDawuda nēm iponzhi ka apal nkpaktak oIsarila, uza nap akwali aga nnandər ka apal adanggo.

¹⁶ UJowap uya aZeruya ununggwan uwa unəm uga mpyal oshozha, uJehoshafat uya aAhilut ununggwan uwa unəm uga nlir nnap nshetshet ûponzhi.

¹⁷ UZadok uya aAhitup ununggwan kâ uAhimelek uya aAbiyatar ununggwan oma onəm oga mpyal awop, kang uSeraya uwa unəm uga nlir iya.

¹⁸ UBenaya uya aJehoyada ununggwan uwa unəm uga mpyal oKereti kâ oPeleti oma oshozha oga mpángchí uponzhi. Kang ovan aDawuda onunggwan tong onəm oga mpyal awop.

9

UDawuda ka uMefiboshet

¹ Nda nro te, uDawuda bəp pa, <<Unəm uro uwa yà lap ka ashe nzhi aShawulu pa na n nyám nnap nnənan á na kakul aJonatan dò?>>

² Ukpari aShawulu uro uwa yà adidin pa uZiba, oza ba ka na ka atak aDawuda. Kang uponzhi bəp na pa, <<Mmafu na uZiba dò?>>

Te uza man pa, <<Mmami na ukpari fu, áponzhi.>>

³ Uponzhi bəp na pa, <<Unəm uro uwa yà lap ká irirì kà ashe nzhi aShawulu pa na n nyám nnap nnənan Inan á na dō?>>

Te uZiba na aman ūponzhi pa, <<Uya aJonatan ununggwan uro uwa yà, uva gurumgurum kà ashar pa kpaktak.>>

⁴ Te uponzhi bəp pa, <<Uza kà che yà?>>

UZiba na aman pa, <<Uwa ya kà aLo Debar, kà nzhi àMakir, uya aAmiyel ununggwan.>>

⁵ Te uPonzhi uDawuda nak pa mma ga mma ba ká na kà nzhi àMakir uya aAmiyel ununggwan kà aLo Debar.

⁶ Awalang va uMefiboshet uya aJonatan ununggwan ukaka aShawulu ba kà mpyal àDawuda te, uza kuchi kà mbin uza na ichumchum á na.

Te uDawuda là pa, <<ÁMefiboshet.>>

Kang uza na aman pa, <<Mmami nata, ukpari bu.>>

⁷ Te uDawuda là á na pa, <<Kang ayər a nəm bu kaɬ, mi ga nnyám nnap nnənan a bu kakul apo bu uJonatan. Mi ga nna nkpaktak iram va iji akaka bu uShawulu a bu, kang bu ri iyaṁ-nrì nzəng ká mi kà atebəl pa dəkər.>>

⁸ Te uMefiboshet kuchi kaɬi, kang uza là pa, <<Uda ukpari bu yà? U nyám nnap nnənan á mi, mmami va pa vyakshin á.>>

⁹ Te uponzhi wór ukpari aShawulu uZiba, kang uza là á na pa, <<N na ūkaka anəm uga nzhi bu chit nkpaktak iyaṁ va iji aShawulu ká nzhizhi.

¹⁰ Mmabu ká ovan bu onunggwan ká okpari bu ó wap iram á na, kang ó ba ká iyaṁ iram ūkaka anəm uga nzhi wó, na a ya iyaṁ-nrì. Kang uMefiboshet, ukaka anəm uga nzhi bu, i ri

iyam-nrì nzəng ká mi pa dəkər.>> UZiba ká ovan onungwan pa ogbapchi aman pa tukun, kang ká okpari isəm pa iparəm.

¹¹ Te uZiba là ûponzhi pa, <<Iyam va u là ûkpari bu pa kpaktak te, mi nənəm, ánəm uga nzhi.>> Te uMefiboshet ri iyam-nrì ká uponzhi pa dəkər ka atebəl, wa uzəngtəng ka ashe ovan aponzhi onungwan.

¹² UMefiboshet uwa yà ká uyen unungwan ubwakan adidin pa uMika. Kang nkpaktak onəm va ka ashe nzhi àZiba te, tong okpari aMefiboshet.

¹³ UMefiboshet təm ka aUrushelima kakul pa dəkər te, uza i ri iyam-nrì ka atebəl aponzhi. Uza gurumgurun ka nkpaktak ashar.

10

UDawuda ri oAmmon ká ikum

¹ Ka nvaŋgva uponzhi oAmmon, uNahash kú, te uyiyeu uHanun ri iponzhi apo wò.

² Te uDawuda là pa, <<Mi nəm nnap nnənan ûHanun uya aNahash unungwan, wa nva upupo ka nəm á mi á.>> Te uDawuda re nre ká okpari wò pa na á sak na kakul ikú apupo.

Awalang va onəm oga ñre aDawuda ga ka ashe mbın oAmmon te,

³ onəm oga mpyal oAmmon là ûHanun unəm uga nzhi oza pa, <<U rəng pa uDawuda ka nna ichumchum ûpo bu nva uza re onəm pa, á sak bu kakul ikú apo bu dò? UDawuda re oza pa, á ba á song itong yi, na a dər ikam yi kang i kpán itong yi kaɗ dò?>>

⁴ Te uHanun wur onəm oga ñre àDawuda va ta, uza kpat nggyer adanggo ka ashe oza ka ngbak kang uza kyen ilukwan oza kà ijili, kang a bàk oza ga.

⁵ Awalang va mma là iyaṃ va ta ûDawuda, te uza re onəm oga ñre pa á gwang oza kakul pa mma na iwuswa ôza byet. Uponzhi là pa, <<Ó tēm ka aJeriko ya nggyer wó á fa kang ô ba.>>

⁶ Nvaṅva onəm oga aAmmon ya pa ó lak igwak ûDawuda chit pa gənggəng te, oza ga yar oshozha mbwai ka aSuriya ikalong isəm pa iparəm ka mbin aBet Rehop ká aZoba, ká uponzhi uga aMaka ká oshozhashozha ikalong pa izəng, kang ká oshozha ikalong pa igbapchi aman pa parəm ka mbin aTop.

⁷ UDawuda kà nfe pa te, uza re uJowap ká nkpaktak oshozha wò pa á lung oza.

⁸ OAmmon gbar izər kakul ikum fa tong ka anung asal aga ntar itong oza, ñnyi te, oSuriya oga aZoba ká aRehop, ká onungwan oga aTop ká aMaka gbar izər ikum iji oza ka agbagba.

⁹ Awalang va uJowap ya chit pa onəm oga ikum yà chit ka mpyal wò ká nvaṅ wò te, uza yak oshozha oga ñnyi ikum oro ka aIsarila ba ká oza ka atak wò na oza á lung oSuriya.

¹⁰ Uza nak ugənaṅ wò uAbishayi unəm uga mpyal aḃo oshozha pa na oza a ga á ru oAmmon ká ikum.

¹¹ UJowap là ûAbishayi pa, <<A yà pa u ya oSuriya ka nji nkàm mi te, ba na u kamshi mi. Kang a yà pa n ya oAmmon ka nji nkàm bu ñnyi te, mi ba mi kamshi bu.

12 Nəm nkam ìgwak, kang re í tong akam kakul onəm yi ká oga itong Inan yi. UYawe i nəm iyām va uza ya ma ká na.>>

13 Te uJowap ká oshozha wò sèng ga na ó lung ìkum, kang oSuriya chəng.

14 Nvəngva oAmmon ya oSuriya kà nchəng te, oza chəng kpa kə mpyal aAbishayi le táng ashe ìtong. Te uJowap ká oshozha wò le kə atak nlung oAmmon kang à ba aUrushelima.

15 Nvəngva oSuriya ya chit pa oIsarila ri wó chit ká ìkum te, oza but kə anung zəngtəng kađi.

16 UPonzhi uHadadezer re ñre mma ba ká oSuriya va kə nfa alum awang aYufriti. Oza ga aHelam kang uShobak unəm uga mpyal oshozha aHadadezer ləp mpyal ôza.

17 Awalang va uDawuda fe iyām va tə te, uza but nkpaktak oIsarila, oza pəng agwong awang aUrdun kang oza ga aHelam. OSuriya gbar izər ìkum kang oza ru uDawuda ká ìkum.

18 Nnyi te, oSuriya chəng kə mpyal oIsarila kang uDawuda gbəng onəm oga akeke ipəri ìgbəl pa ìfangshat, ká oshozha oga ashar ìkalong isəm pa ìneding. Uza gbəl uShobak unəm uga mpyal oshozha oza kpa.

19 Awalang va nkpaktak oponzhi va kə avəng aHadadezer ya chit pa oIsarila ri oza chit ká ìkum te, oza gwang inal ká oIsarila kang oza tong ozwal oza.

Te ayər nəm oSuriya, oza kəmshi oAmmon lap kađ.

11

UDawuda ká uBatsheba

¹ Awalang va ìzun gaban chit, ka ashe nra va oponzhi i ga ìkum te, uDawuda re uJowap ká onungwan aponzhi ká nkpaktak oshozha oIsarila pa á ga a lung oAmmon. Te oza ga zhi oAmmon kang oza ra anyimnyal gáng itong iga aRaba. Nnyi te, uDawuda uwa ya ka aUrushelima.

² Nda nro ka arurong te, uDawuda wong ka atak njul ka apal iyam nra kang uza ka nchen ka apal nzhi iponzhi. Ka apal nzhi nva ta te, uza ya uchar uro ka ngwór izər. Uchar va ta byen byet,

³ kang uDawuda re unəm uro pa á gbap uchar va ta á wò. Unəm va ta là á na pa, <<Uza uBatsheba, uya aEliyam uchar, uchar aUriya unəm oHiti.>>

⁴ Te uDawuda re onəm oga ñre ga ba ká na. Uchar va ta ba atetak kang uza ra ká na. Te uchar va ta le ga nzhi. Uza wa gbal akpar ka ñyang, kang uza gbal ká nnal izər ka atak akpar wa nva oIsarila i nəm á.

⁵ Ka nvəvang te, uBatsheba təm ka anyám, kang à re ñre ûDawuda pa, <<Mmami ká izər pa iparəm.>>

⁶ Te uDawuda re ñre ûJowap pa, <<Re ñre á mi ká uUriya uHiti.>> Te uJowap re ñre ûDawuda ká uUriya.

⁷ Awalang va uUriya ba atetak te, uDawuda bəp ikángkáng aJowap ká iji oshozha ká asal awu va ìkum ka ngga ká.

⁸ Te uDawuda là uUriya pa, <<Fa ga nzhi bu na u nàl ashar na u jul.>> Te, uUriya fa ka ashe nzhi

aponzhi, kang uponzhi re ñre á na ká imwa iyam-nrì ka nvang.

⁹ Ñnyi te, uUriya ga nzhi wò kat, uza ra nzəng ká onəm oga mpángchí uponzhi ka anung nkəlang àponzhi.

¹⁰ Mma là ûDawuda pa, <<UUriya ga nzhi kat.>> Te uDawuda wór na bəp na pa, <<Nna u le ka chen ta, te sang kang u ga nzhi kat yà?>>

¹¹ UUriya na aman pa, <<Akwati aga nsar nnap-nlà ká oshozha oIsarila ká oga aYahuda oma kà nra ka ashe oga aghal, kang unəm uga mpyal mi uJowap ká oshozha anəm uga nzhi mi, oma ra apak ka agbagba. Mi yar sang kang mi ga nzhi mi, pa na n ri, n ngwa, n nra ká uchar mi yà? Ká nva nna u yà ká irirì te, mi yà ka nnəm apir nnap wa nva ta kat.>>

¹² Te uDawuda là ûUriya pa, <<Ra kata nda ká ipin ikpakpak kadi, te mi re bu bu le.>> Te uUriya ra ka aUrushelima wa nva uponzhi là á.

¹³ UDawuda chal na ka nri iyam-nrì kang à nak na wa nchè kang nchè gbal na. Ñnyi te, atak la te, uUriya ga nzhi ka atak achar wò kat. Uza ra ka apal ndakal wò nzəng ká okpari aponzhi.

¹⁴ Ka ibotak te uponzhi lir iyam na ûUriya pa a ga a na ûJowap.

¹⁵ Ka ashe nlir va ta te, uza lir ûJowap pa, <<Nak uUriya ka mpyal ikum, ka atak va ikum sur ka pa gənggəng. Te ó le ga nvang o re na ká nkukwa na mmá gbal na.>>

¹⁶ Nva uJowap kà nra anyimnyal gəng itong va ta te, uza nak uUriya ka atak va onungwan okpa ikum oza kà.

¹⁷ Awalang va oshozha okpa ikum fa pa ó lung ikum te, mmá gbaḷ uUriya unəm oHiti nzəng ká onəm oga mpyal oshozha oIsarila oro.

¹⁸ UJowap re ñre mmá là ûDawuda nkpaktak iyaṃ va mmá nəm ka atak ikum.

¹⁹ Uza là ûnəm uga nre va uza re pa, <<Awalang va wa gbál ká nshal nkpaktak nnap ikum va ta ûponzhi chit te,

²⁰ dom te igwak i lak uponzhi kang uza i bəp pa, <Sang kang o lung ikum o ga o dat ká itong yà? O nyi pa oza i sat ka apal akamsəlang itong kang i tat iwar kaṭ dō?

²¹ Uda ka gbaḷ uAbimelek uya aJerubeshet unungwan yà? Uchar wa ka mang na ká awo ako ka izər akamsəlang ká aTebet uza kú kaṭ dō?> A yà pa uza a bəp bu pa, <Sang kang ó ga datkulung ká izər akamsəlang yà?> Te wa là á na pa, <Mmá gbaḷ ukpəri bu uUriya unəm oHiti kpa.> >>

²² Te unəm uga nre fa ga, kang awalang va uza chu te a là ûDawuda nkpaktak nnap va uJowap re na pa a là a na á.

²³ Unəm uga nre va ta là ûDawuda pa, <<Okpa ikum yi ji nkam yi, fa i lung yi ka agbagba, ñnyi te, í bàk oza le ga anung asaḷ itong.

²⁴ Te onəm oga iwar tong ka apal akamsəlang i tat yi, kang onəm oga mpyal oshozha bu oro kú. Kaḍi te, mmá gbál ukpəri bu uUriya unəm oHiti.>>

²⁵ UDawuda là ûnəm uga nre va ta pa, <<Là ûJowap pa, <Kang ichəgwak a ləp bu kaṭ, ndokchi i yak onəm yak kaṭ. Ó lung pa gənggəng na ó ri itong va ta.> Là a na, na a kám irəng a na.>>

²⁶ Awalang va uBatsheba uchar aUriya fe pa ubar wò kú chit te, uza yóng ikuku.

²⁷ Nvangva nra nyóng ikú watar te, uDawuda re òre mmá ba ka na ka ashe nzhi wò, uza nyang uchəchar kang a mar uyen nungwan á na. Ònyi te, uYawe fe nchang iyam va uDawuda nəm kat.

12

UNatan ran ká uDawuda

¹ UYawe re uNatan unəm uga nlà ichu Inan ka atak aDawuda. Awalang va uza ba atətak te, uza là a na pa, <<Onəm oro mmá ka yà pa oparəm ka ashe itong iro. Uro unəm uga idur kang uro unəm uga nkun.

² Unəm uga idur va ta uwa yà ká itam ká ina pa makmak,

³ ònyi te, unəm uga nkun va ta yà ká iyam iro kat, iya itam pa izəng ya byet va uza yáp. Uza kang à rup nzəng ka ovəvan. I ri iyam nzəng ka na, kang i wa ka ashe ikpəkpang iga ngwa ndəng, oza i ra nzəng. A sat a na wa ayiyen uchar.

⁴ <<Nda nro te, unəm uga ndur va ta ya unəmchən te, kađor nva pa uza á gbál itam kat te ina ka ashe iyam nkang wò te, uza ga kpan ija anəm uga nkun va ta gbál nəm iyam-nri ûnəmchən wò va ta ká.>>

⁵ A ram uDawuda pa gənggəng kang uza là ûNatan pa, <<N sóng anung ká adin aYawe, unəm va nəm nnap nva ta te nkpak pa uza á kú.

⁶ Uza i mwa itam va ta nvang pa ineding, kakul iyam va uza nəm ta, ka atak nyà ká ađor kat á.>>

⁷ Te uNatan là ûDawuda pa, <<Mmabu na unəm va ta. Iyam va ta uYawe, Inan oIsarila là, <N gar bu uponzhi ka apal oIsarila kang m fa ká bu ka ashe awo uShawulu.

⁸ N na nzhi ànəm uga nzhi bu, ká ochəchar. N na nkpaktak oIsarila ká oYahuda a bu. Kang ká yà pa iyam va ta a yiyen ká bu te, ká n na iro a bu ká jiji.

⁹ Iza nak kang u bak nnap-nlà àYawe, kang u nəm iyam ibángbang va ta ka mpipyal yà? U gbál uUriya unəm oHiti ká ndokchi kang u kam uchəchar sat uji bu. U gbál na ká ndokchi oAmmon.

¹⁰ Kakul nva ta te, ndokchi i kap ká nzhi bu ka, kakul u bak mi, kang u kam uchar aUriya unəm oHiti tal uji bu.>

¹¹ <<Iyam va ta uYawe là, <Dər, mi ga mba ká ndaktak ka ashe nzhi bu. Ká mpyal bu mi ga ngwur ochar bu mi na ûnəm uro uva dat ká bu, kang i ra ká oza ká alum pa agbagba.

¹² Ka u nəm ka ayi, ñnyi te, mi ga nnəm iyam va ta ká alum pa agbagba ka mpyal nkpaktak oIsarila.> >>

¹³ Te uDawuda là ûNatan pa, <<N nəm nnap mbángbang ûYawe chit.>>

Kang uNatan na aman a na pa, <<UYawe yar nnap mbángbang va ta a bu chit, bu ga nkú ka.

¹⁴ Ñnyi te, kakul iyam va ta u nəm te, u bak uYawe, uyen va mmá mar a bu te i kú.>>

Uya aDawuda kú

¹⁵ Ka nvangva uNatan le nzhi wò chit te, uYawe lap uyen va uchar aUriya mar ûDawuda ká arwa.

¹⁶ UDawuda chál Inan pa_ uza_ á re irirì ayen va_ ta. Uza_ yar ndəng gbàl, kang à ra ka_ mbin atak tan na.

¹⁷ Onəmgbak oga nzhizhi đak pa_ na uza_ a wong ka_ mbin, ñnyi te, uza_ yang kang a ri iyam-nrì nzəng ká oza_ kat.

¹⁸ Kà nra ngga nfangshat te, uyen va_ ta kú. Te ayər nəm onəm oga nnəm inok ûDawuda ka_ nləlà á na pa_ uyən va_ ta kú chit, kakul oza_ rəng pa, <<Uyen wa ka_ yà ká irirì te, í là nnap ka_ na te, uza_ fe yi kat, kang jwak chit pa, a kuku, kang í là á na te uza_ na abang ishi wò kat dò?>>

¹⁹ UDawuda ya okpari wò i là nnap ka_ avəng achwang te, aghan ga na pa_ uyen va_ ta kú chit. Kang uza_ bəp pa, <<Uyen va_ kú chit dó?>>

Te oza_ man pa, <<À, á kú chit.>>

²⁰ Te uDawuda wong ka_ mbin, uza_ wòr izər, uza_ bəl mmì, uza_ mwak ìlukwan wò ìkak. Uza_ ga ashe nzhi awop, kang uza_ wop uYawe. Ka_ nvaṅva_ te uza_ le nzhi kang uza_ bəp iyam-nrì pa_ mmá ba ká iyam-nrì á wò. Oza_ ba ká iyam-nrì á na te uza_ ri.

²¹ Te onəm oga nna ichichən bəp na pa, <<Iza_ u nəm ta_ yà? U yar ndəng gbàl kang u yéng kakul ayen va_ ta, ya uwa ká irirì. Ñnyi te, uyen va_ ta kú chit, u re nnəm ador kang u ri iyam-nrì.>>

²² Uza_ na aman pa, <<N yar ndəng gbàl kang n yéng ya uyen va_ ta uwa ká irirì, kakul n rəng pa, <Mwote uYawe uwa i nyám nrwa ìgwak á mi i re irirì ayen va_ ta.>

²³ Kang ñyangmata_ uza_ kú chit. Te mi yar ndəng ngbàl ka_ iza_ yà? Mi le ká_ na le lap dò? Nna mi ga ka_ atətak, ñnyi te uza_ i le atak mi lap kat.>>

Amar aSolomon

²⁴ Te uDawuda sak uchar wò uBatsheba, kang uza_{ga} atak nra ká_{na}. Te uza_{yar} anyám uza_{mar} uyen unungwan kang uDawuda sok adín uyen va_{ta} pa_{uSolomon}. UYawe man uyen va_{ta},

²⁵ kang uza_{re} uNatan unəm uga nlà ichu Inan pa_{adín} ayen va_{ta} uJedidiya, ipipir pa_{uYawe} man na, wa nva uYawe nak á.

UDawuda nəm igwan ká aRaba

²⁶ Ka_{ashe} ngga te, uJowap ru aRaba inang itong oAmmon, kang uza_{ri} atak va_{uponzhi} oza_i təm kà.

²⁷ Te uJowap re onəm oga nre pa_á là ûDawuda pa, <<N nəm ikum chit ká aRaba, kang n kpan atak va_{chit} oza_i ya ndəng kà.

²⁸ Nyangmata_{te}, vang ká abo oshozha na u ra anyimnyal u gáng na u ri itong va_{ta}. Ka_{te} mi ga nri itong va_{ta} kang mí wór ká adín mi.>>

²⁹ Te uDawuda but abo oshozha uza_{ga} nəm ikum ká aRaba, kang uza_{ri}.

³⁰ UDawuda tur atagya iponzhi ká ishi aponzhi, kang uza_{pa} ká ishi wò. Atagya va_{ta} mmá nəm ká azənariya ká ipang iməlamməlam, kang idədek alaba isəm pa_{ifangshat} aman pa_{tukun}. UDawuda wur iyam iga ngwur ka_{atak} ikum pa_{makmak} ka_{ashe} itong va_{ta}.

³¹ Uza_{wur} ozwal ká onəm oga aRaba, kang uza_{nak} oza_{kpa} i nəm inok ká ikpal iga mpà akun, ká adiga ká iku, kang oro i nəm inok amè i bit i wom kakul mme nzhi. UDawuda nəm wanta nkpaktak itong oAmmon. Te uza_{ká} nkpaktak oshozha wò le aUrushelima.

13

UAmnon ká uTamar

¹ Ka ashe ngga te, uAmnon uya aDawuda ununggwan dom nra ichar ká uTamar, ugənanɡ aAbsalom uya aDawuda ununggwan uchar uva byen byet.

² Ndom va ta mak byet ga sat a na wa arwa. UTamar uyen byen uva uva nyi ununggwan chit kať. Kang kà nrəng nnap aAmnon te, a kam ka na byet pa ô nəm iyaṃ iro ka na.

³ UAmnon uwa yà ká ukpa wò uro adidin pa uJonadap uya aShimeya ununggwan ugənanɡ aDawuda, uJonadap uwa yà ká ntàn mbángbàng.

⁴ Uza bəp uAmnon pa, <<Iza nak kang mmabu uya aponzhi bu yà ká ndaktak pa đəkər yà?>> Bu là á mi kať dò?

Te uAmnon là á na pa, <<Adom nra ichar ká uTamar ugənanɡ aya apo mi uAbsalom nna i đak mi.>>

⁵ UJonadap là a na pa, <<Ga bu ra ka apal à alyer nəm na u rurwa. Awalang va upo bu a ba ndər bu te, wa chál na pa, <Re uya apo mi uTamar à nəm iyaṃ-nrì a mi ka iwu mi, n yà ka nyiya, te uza á na mi ká awo wò na n ri.> >>

⁶ Te uAmnon ra ka apal alyer wò pa o rurwa. Awalang va uponzhi ba ndər na chit te, uAmnon là a na pa, <<N dom pa u re uya apo mi uchar uTamar a ba pək iyaṃ-nrì á mi ká iwu mi, á na mi ka awo wò na n ri.>>

⁷ Te uDawuda re nre ka uTamar ka nzhi, uza là a na pa, <<Ga nzhi aya apo bu uAmnon na u nəm iyaṃ-nrì a na.>>

⁸ Te uTamar a ga nzhi aya apo wò uAmnon, uva ka_nra ka_apal alyer. Te uza_yar mmak uza_kál, uza_nuk, uza_nəm iyam-nrì á na kà iwuwu.

⁹ Te uza_ga ká a na, ònyi te, uza_yang ká nrìrì.

UAmnon là pa, <<Re udanggo a fa ka_ta.>> Te onəm fa pa_kpaktak re na.

¹⁰ Te uza_là ûTamar pa, <<Ba ká iyam-nrì va_ta á mi ka_atak nra mi, kang mi ri ka_awo bu.>> Te uTamar yar iyam-nrì va_ta, tar ká_ka_ashe atak nra aya apo wò uAmnon.

¹¹ Uza_yar iyam-nrì va_ta chit pa o na a na te uAmnon kpan na, là pa, <<Ba na n ra ká_bu, aya apo mi.>>

¹² Te uTamar a là pa, <<Kang wa nəm ifan á mi kat, aya apo mi, kakul apir nnap wa va_ta te, mí nəm ka_ashe aIsarila kat. Kang wa nəm iyam iwuswa va_ta kat.

¹³ Mi wòl ká iwuswa va_ta ka_che yà? Mmabu kpa, mí wór bu pa_uyen umaimai ka_ashe oIsarila. Wa man te, là nnap ká_uponzhi, uza_i yà ká nyáng nna mi a bu pa_u kam ichar ká mi kat.>>

¹⁴ Te uAmnon gwong achwang ka_na kat, kang kakul pa_uza_kam ji na ji te, uza_ra ka_na ká ifan.

¹⁵ Te uAmnon yang na, nyang mmakmak. Nyang va_uza_yang na te, aga ji ndom va_ji uza_ka_dom na á. Uza_là á na pa, <<Fa le á mi ka_ta.>>

¹⁶ UTamar là a na pa, <<Ngwà va_bu wà mi ta te, a bang ji iyam inga va_ji u nəm á mi.>>

Ònyi te, uza_gwong achwang ka_na kat.

¹⁷ Uza_wór ukpari wò kang a là á na pa, <<Dap uchar va_ta_fa ká, ka_gbai, na u vəng anung nzhi.>>

18 Te ukparikpari va ta fa ka na, vəng anung nzhi. UTamar pa ilukwan iwángwang iga ngwang awo. Kakul wa nnà ta nnap nnəm ovan oponzhi ovan byen i nəm ka ashe nra va ta á.

19 Te uTamar kpan ilukwan wò iga ngwang awo va ta kakchi, uza nak nchwang ká ishi. Uza kat awo ká ishi, uza ka nyéng pa bobo i ga nzhi ka.

20 UAbsalom ugənanng aTamar bəp na pa, <<UAmnon, uya apo bu, à làk bu dakbo? Maɾ iyaɱ bu, agənanng mi. Uza uya apo bu kat dò? Kang wa kpan iyaɱ ata ka igwak kat.>> Kang uTamar təm ká ador kà nzhi agənanng wò uAbsalom.

21 Awalang va uPonzhi UDawuda fe nnap va ta te, a ram na pa gənggəng.

22 Kang uAbsalom là iyaɱ iro inənan kat te ibángbáng ûAmnon kat. UAbsalom yang uAmnon kakul uza na iwuswa ûgənanng wò uchar uTamar.

UAbsalom gbaɭ uAmnon

23 Ka nvəng izun pa parəm te, awalang va uAbsalom kà nkpat akpap iyaɱ nkang wò ka atak aro mí wór pa aBaal Hazor dat ka aEfrayim, te uza chál nkpektak ovan aponzhi onunggwān pa oza a ba.

24 Uza ga atak aponzhi, uza là á na pa, <<Mmami uzwal bu ka ngga nkpat akpap itam mi. N chal pa uponzhi aməman te, a ba nzəng ká onəm oga nnəm inok wò.>>

25 Uponzhi na aman ûAbsalom pa, <<O, o, i ga pa kpaktak kat, le kang i nak idək a bu kat.>> Ká nna kpa te, UAbsalom zhet pa uponzhi ka ga. Uponzhi ga kat, nnyi te, a nak nnap nnənan á na.

26 Te uAbsalom là pa, <<A yà pa bu ga kaṭ te, re uya apo mi uAmnon à ga nzəng ká yi.>>

Uponzhi bəp na pa, <<Kaṭul iza kang uza i ga nzəng ká bu ya?>>

27 Nnyi te, uAbsalom zhet, uponzhi ga man á na kang uza re uAmnon ká abo ovan aponzhi onungwan ga nzəng ká uAbsalom.

28 UAbsalom là ôkpari wò chit pa, << O gwong achwang. Awalang va uAmnon a wá nchè chit ran na, kang mi là a wó pa, <O gbaṭ uAmnon,> te o gbaṭ na. Kang ayir a nəm wó kaṭ, o nəm pa kakkərak, kaṭul mmami na n là a wó.>>

29 Te okpari aAbsalom gbaṭ uAmnon wa nva uAbsalom là ôza. Te abo ovan aponzhi onungwan wong, udanggo kyén alabitəri wò chər.

30 Oma ka ngga te, mmá là ûDawuda pa, <<UAb-salom gbáng ovan aponzhi chit pa chatchat, uro le ka ashe oza kaṭ.>>

31 Te uponzhi wong gakul, kan ilukwan wò, kang uza ra ka mbin. Nkpaktak okparikpari va təm ka atətak te, kan ilukwan iji oza kpa.

32 Nnyi te, uJonadap uya aShimeya unungwan, ugənanng aDawuda là pa, <<Kang unəm uga nzhi mi a rəng pa mmá gbáng nkpaktak ovan aponzhi kaṭ, uAmnon wa byet mmá gbaṭ. UAbsalom ka yà ka nggup na, ban ká nda va, uza ra ká ugənanngənanng uTamar ká ifan á.

33 Kang unəm uga nzhi mi a na nnandər ká nva mmá là pa nkpaktak ovan aponzhi à kú. UAmnon uwa byet kú.>>

34 Mmá ka ashe nva ta te, uAbsalom chər chit.

Te unəm uga mpángchí atak ka ya nggatək onəm i ba ka ngbak aduktum ka asal ntar alum. Uza chər là ûponzhi pa, <<N ya nggatək onəm oro ka mba ka asal aHoronayim ka ngbak aduktum.>>

³⁵ UJonadap là ûponzhi pa, <<Dər, ovan bu onunggwan oma i ba cho wa nva uzwal bu là á.>>

³⁶ Uza kà ngba ká nlà nnap na byet te, ovan aponzhi onunggwan ba chu ká ayéng pa gbánggbáng. Uponzhi ká nkpaktak okpari wò yéng pa gənggəng.

³⁷ UAbsalom chər kang à ga atak aTalmayi uya aAmihut ununggwan uponzhi oga aGeshur. Nnyi te, uDawuda yéng ikú ayen wò nra pa makmak.

³⁸ Nvangva uAbsalom chər ga aGeshur te, uza təm ka ta ìzun pa ishatding.

³⁹ Nvangva ador nlang uAmnon va ta fa ûPonzhì uDawuda chit te, uza dom pa na kà ô ya uAbsalom.

14

UAbsalom le ba aUrushelima

¹ Nyangmata te, uJowap uya aZeruya nyi chit pa igwak aponzhi gaban chit ga atak aAbsalom.

² Te uJowap re unəm uro ga aTekowa pa a ba ká uchar utantan uro ka ta. Uza là a na pa, <<Nəm wa achar va ikú gba na. Mwak ilukwan iga yéng ikú, kang wa bəl mmì nənən nro kat. Nəm wa achar va ká ador chit nra pa makmak.

³ Te wa ga atak aponzhi wa là nnap a ta á na nva mmami ka ngga nləla a bu ta à.>> Kang uJowap là iyam va á na uza i ga nləla á.

⁴Awalang va uchar uga aTekowa va ta ga atak aponzhi te, uza ru ka mbin na ichumchum a na, kang uza là pa, <<Aponzhi nəm nkamshi á mi.>>

⁵Uponzhi bəp na pa <<Iza ndaktak bu yà?>>

Uza là pa, <<Mmami uchar ukpələng kakul pa ubar mi kuku.

⁶Mmami uzwal bu, ká ovan onungwan pa oparəm, oza yar ikum ka ashe nzam, unəm uro yà ka ta pa a dąng oza ka, te uro gbał uwan wò.

⁷Dər, ñyangmata te, nkpaktak akum mi ka nlung mi, i là pa, <Ba ká uyen va ta i gbał kakul nva uza gbał ugənanang wò á. Te i gbał unəm uga nri akup ka nzhizhi kpa.> A yà pa n nəm pa te, mi yà ká uyen uro lap ka, te adin abar mi ká nvang va uza re te i yà ka ashe apambin ka.>>

⁸Te uponzhi là uchar va ta pa, <<Ga nzhi bu, mi ga nnak nnap mpakpak ka apal nnap bu va ta.>>

⁹Ñnyi te, uchar uga aTekowa va ta là a na pa, <<Re unəm uga nzhi mi uponzhi a yar mpat a mi ká nzhi mi, kang re uponzhi ká iponzhi wò a yà ká mpat ka.>>

¹⁰Uponzhi na aman pa, <<A yà pa unəm uro là iyam iro a bu te, ba ka oza a mi, kang oza i dak bu lap ka.>>

¹¹Uchar uga aTekowa va ta là pa, <<Re uponzhi a sòng anung ká Inan wò, pa bu yà ka nre unəm uro pa a pyát akat nchər va cho lap ka, na kang mmá gbał uyen mi. Ndom ntar nchər nro lap ka.>>

Uponzhi là pa, <<Nva uYawe uwa yà ká iriri te, akpap ishi ayen bu pa zəng i ru ka mbin ka.>>

12 Te uchar vā ta là pā, <<Wa mañ te m bəp iyām iro pā zəng kađi.>>

Te uponzhi là pā, <<Ga mpyal ka nnap-nlà bu.>>

13 Uchar vā ta là pā, <<Sang kang u nəm apir nnap wa nva ta ônəm aYawe yà? Ka apal nnap-nlà vā u là ta te u pà akwali ishi bu chit. Kakul u yang ka mba ká uyen bu ka nzhi.

14 Nkpaktak yi i ga nkú, mmayi wa ndəng va tar ka mbin, mí wur lap kať. Nnyi te, iyām va ta Inan dom kať, uza dom pā unəm vā mmá bāk ga təm ka mbin nro te, a təm ka ta mbyet kať.

15 <<Kang nyangmata m ba pā n là iva ta ûnəm uga nzhi mi uponzhi kakul onəm na ayir a mi chit. Uzwal bu rəng pā, <Mi ga nlà nnap ûponzhi mwote uza i mwa ndom azwal wò a na nggo.

16 Mwote uPonzhii i mañ pā ô kamshi azwal wò ka ashe awo anəm uga ndom pā ô gbał mi ká uyen mi na ô kap yi ká iyām akup Inan.>

17 <<Kang nyangmata uzwal bu là pā, <N nyinyi pā nnap-nlà aponzhi i na nra igwak na á mi kakul mmabu wa amaleka Inan uva nyi nvañ iyām inənañ ká iyām ibáŋgbəŋ. Re uYawe Inan bu a təm nzəng ká bu.> >>

18 Te uponzhi là ûchar vā ta pā, <<Kang wa bwam aman mbəp vā mmami ka ngga mbəp bu kať.>>

Uchar vā ta là pā, <<Re unəm uga nzhi mi uponzhi a là nnap wò.>>

19 Te uponzhi bəp pā, <<Anung aJowap na ka ashe nnap bu vā ta kať dō?>>

Uchar vā ta na aman pā, <<Nva nna u yà ká irirì te, unəm uga nzhi mi uponzhi, unəm uro yà

i dap ká iyam iva unəm uga nzhi mi uponzhi là kat. À, uzwal bu uJowap uwa nak mi pa n nəm iyam va ta, kang uwa nak nkpaktak nnap-nlà va ta ka anung azwal bu.

²⁰ UJowap nəm iyam va ta kakul pa ô damshi nnap va ta. Unəm uga nzhi mi uwa ya ká aghan wa amaleka Inan va nyi iyam pa kpaktak va kà nyà ka apambin.>>

²¹ Te uponzhi là uJowap pa, <<N fe chit, mi ga nnənəm. Ga ba ká uAbsalom, uyen nzam va ta.>>

²² Te uJowap kuchi ka mbin ka mpyal aponzhi na ichumchum á na, uza far nnap nənən á na, uJowap là pa, <<Nda ta uzwal bu ya nchər mbałbał chit ka mpyal bu anəm uga nzhi mi uponzhi kakul nva u man ká achal mi va ta á.>>

²³ Te uJowap wong ga aGeshur, kang à ba ká uAbsalom ka aUrushelima.

²⁴ Nnyi te, uponzhi là pa, <<Nkpak pa uAbsalom a ga nzhi wò, uza i ya iwu mi kat.>> Te uAbsalom ga nzhi wò, uza ya iwu aponzhi kat.

²⁵ Ka ashe oIsarila pa kpaktak te unəm uro ya va mí shep ibibyen wa aAbsalom kat. Ban ka apal ishishi ga chu ashəshar iyam iro bap ka kat.

²⁶ Uza i kpat akpap ishi wò nvang pa nzəng ka ashe izun kakul akpap ishi va ta i dək ka na. Awalang va uza i kpat akpap ishi wò te, uza i māl idədək kang i ya ashekel igbał pa iparəm* ka atak iyam iga mmāl idək ka nzhi iponzhi.

* **14:26 14.26 ashekel igbał pa iparəm:**Ipipir na ta pa alaba pa tukun.

²⁷ UAbsalom ka ovan onungguan pa oshatding ká uyen uchar pa uzəng. Uyəyen uchar va ta adidin pa uTamar, kang uza uchar ubyenbyen.

²⁸ UAbsalom təm ka ashe aUrushelima izun pa iparəm, uza ya uponzhi kat.

²⁹ Te uAbsalom re nre ká uJowap pa a ba na ô re na ka atak aponzhi te, uJowap yang ká mba. Uza re nre mpəpar, nnyi te, uza yang ká mba.

³⁰ Te uza là ôkpari wò pa, <<O dər, iram izangzəng aJowap i ya dat ká iji mi. Ó ga na o pa apər kà.>> Te okpari aAbsalom ga pa apər ka iram va ta.

³¹ Te uJowap ga nzhi aAbsalom kang à bəp na pa, <<Ka kul iza kang okpari bu pa apər ka iram mi yà?>>

³² UAbsalom là uJowap pa, <<Dər, n re nre kà bu, n là pa, <U ba na n re bu ka atak aponzhi na u bəp na a mi pa, <<Iza nak kang u re nre ká mi ka aGeshur pa m ba yà? a yà pa u dom nya mi kat á.>> > Nyangmata te, n dom pa n ya uponzhi kang a yà pa na n yà ká mpat nro te, uza a gba mi.>>

³³ Te uJowap ga atak aponzhi kang à là iyam va ta a na. Te uponzhi wór uAbsalom, kang uza ba kuchi ka mbin na ichumchum uuponzhi. Kang uponzhi wong má njang uAbsalom.

15

UAbsalom fa iyamkak ká uDawuda

¹ Kà nvangva ta te uAbsalom yáp ipəri ká akeke va ipəri i dap, uza wa yà ká onəm isəm pa itukun va i chən ka mpipyal á.

² Uza i wong ká ibotak i sat ka anung asal ga ntar ashe itong, a yà pa unəm uro ba atak aponzhi ká akwali aro te, uAbsalom i ga atətak i bəp na pa, << U fa ka nza itong yà?>> Unəm va ta i na aman pa, <<Uzwal bu ka akum ijili iro ka ashe oIsarila.>>

³ Te uAbsalom i là á na pa, <<Dər, nnap-nlà bu yar chàng kang ká nnandər kpa, ñnyi te, unəm uro yà uponzhi nak pa a fe nnap-nlà bu kaṭ.>>

⁴ Uza i là ka kpa pa, <<Ká yà pa mmá nak mi pa n nnap-akwali kà mbin va ta te, ká n nnap-akwali aga nnandər nkpektak unəm va i ba atak mi.>>

⁵ A yà pa unəm i ba i dom pa ô kuchi ô re anung á na te, uAbsalom i yichi awo i kpan na i fəkchi na i mmá njang á na.

⁶ Ka asal va ta uAbsalom nəm ka ôIsarila va i ba ka atak aponzhi kakul akwali á, wanta na uza dap nnap-nnəm onəm oIsarila ká ga atətak.

⁷ Ka nvang izun pa ineding te, uAbsalom là ũpo wò uponzhi pa, <<Wa man te wa re mi n ga aHebron na n yél nsar nnap-nlà mi va n yar ũYawe á.

⁸ Awalang va uzwal bu ka yà kà ntəm ka aGeshur ka ashe aSuriya te, ká n yar nsar nnap-nlà ũYawe pa, <Mi wop na ka aHebron, a yà pa uza a le ká mi ka aUrushelima á.> >>

⁹ Uponzhi là á na pa, <<Ga ká ikangkang.>> Te uza wong ga aHebron.

¹⁰ Te uAbsalom re onəm oga nre ká ayi ga nkpektak oga akum oIsarila, pa a là pa, <<Ká nfe mbur agbəshi na byet te, o là pa, <UAbsalom uwa uponzhi ka aHebron.> >>

¹¹ Onunggwan igbaḷ pa iparəm ga nzəng ká uAbsalom ova fa ka aUrushelima va uza chál oza

chál. Onəm va ta ga ká ìgwak pa izəng, oza nyi iyam iro ka ashe nrəng nnənap kat.

¹² Awalang va uAbsalom kà ònyichi oga nləfər te, uza re nre kà uAhitofel unəm oGilo, uzəngtəng kà ashe onəm oga nna ichən ûDawuda pa a ba kà aGilo itutong. Wanta ngbar izər ga nfa iyamkak va ta kám, kang onəm oga nyar nvəng aAbsalom ga mpyal ká mmak.

UDawuda chər re aUrushelima

¹³ Te unəm uga nre uro ba atak aDawuda là á na pa, <<Igwak oIsarila le chit ga kà atak aAbsalom.>>

¹⁴ UDawuda là onəm oga mpyal wò va nzəng kà na kà ashe aUrushelima pa, <<I chəng, kat te, uAbsalom i ba i gbəng yi pa kpaktak. I ghan i fa kang uza a ba a mul yi, a nəm ibəng a yi, kang i gbəng onəm kà ashe itong pa kpaktak kat.>>

¹⁵ Onəm oga mpyal aponzhi na aman pa, <<Ozwal bu i nəm nkpaktak iyam va unəm uga nzhi yi i yàk pa í nəm.>>

¹⁶ Uponzhi fa, kang nkpaktak onəm oga ashe nzhizhi yar nvəvəng, ònyi te, uza re ochar va mí nak kà ashe nzhi pa kùk pa ogbapchi pa à nak ishi ká nzhi.

¹⁷ Te uponzhi fa ká nkpaktak onəm va kà nyar nvəvəng, kang oza ba tong kà nkur itong.

¹⁸ Nkpaktak okparikpari ləp mpipyal, ká nkpaktak oKereti kà oPeleti, oma i pángchí uponzhi kà nkpaktak oGiti va igbal pa ikpađing, ova kà yar nvəvəng kà aGat ləp mpyal ûponzhi.

¹⁹ Uponzhi là ûltayi unəm oGiti pa, <<Sang kang bu ga nzəng ká yi yà? Le na u təm kà atak aponzhi

upipe, ka_kul mma_bu unəm_chən u chichər ka_mbin bu kang u ba.

20 U ba ká nlám. Kang n̄da ta te mi nak bu pa u ranggang nzəng ká yi, nva n na nnyi atak va chit mmami kà ngga kà kat dó? Le nvəng nzəng ka owan bu. Re uYawe a nyám ikin ká nnap nnənan a bu.>>

21 Nnyi te, uItayi na aman ūponzhi pa, <<Nva uYawe uwa ká irirì kang unəm uga nzhi mi uponzhi uwa yà ká irirì te, nkpaktak atak va unəm uga nzhi mi uponzhi i yà kà, ká irirì kat te ikú, te uzwal bu i yà ka ta.>>

22 Te uDawuda là ūltayi pa, <<Watar ga.>> Te uItayi unəm oGiti watar ká nkpaktak oshozha wò ká onəm oza va nzəng ká na.

23 Nkpaktak onəm va ya uponzhi kà nwatar te, bà ayəng pa gbəngbəng. Uponzhi ká onəm wò pang nwangsang aKidron te, oza kpan asal ashe nzam mmaləng.

24 Dər, uZadok uwa yà ka ta kpa, ká nkpaktak oLawi va nzəng ka na kà nyar akwati aga nsar nnap-nlà Inan á. Oza ba nak ka mbin, kang uAbiyata yichi nləfər ka ta, nkpaktak onəm fa watar re itong pa chatchat kang.

25 Te uponzhi là ūZadok pa, <<Le ká akwati aga nsar nnap-nlà Inan ka ashe itong. A yà pa uYawe ya məmal ká na te, uza i le ká mi pa m ba n ya akwati aga nsar nnap-nlà Inan kăđi ká atak ntətəm.

26 Nnyi te, a yà pa uza là pa, <N fe nchang bu kat,> te mmami na ta, uza a nəm ká mi iyam va uza ya məmal á.>>

27 Te uponzhi là ûZadok unəm uga mpyal awop kpa pa, <<Mmabu unəm uga nkpan ipir nnap. Le ga ashe ìtong ká nnap nnənan mi. Yar uyen bu uAhimaz ununggwan nzəng ká bu ká uJonatan uya uAbiyata ununggwan kpa. Mmabu ká uAbiyata o le ká ovan wó onunggwan.

28 Mi lok ka atak mpa awang ka ashe nzam mmaləng, mi ya nre ka atak bu kang.>>

29 Te uZadok ká uAbiyata yar akwati aga nsar nnap-nlà Inan le ká ka aUrushelima, kang oza təm ka ta.

30 Nnyi te, uDawuda ga mpyal ká achen, uza ya ká akwap ka ashar kat, uza gún ishi wò, uza ka nyəng nva uza ka nkyen abam aZaitun. Nkpaktak onəm va nzəng ká na gún ishi oza, oza ka nyəng, oza ka nkyen abam.

31 Nyangmata te, mmá là ûDawuda pa, <<UAhitofel unəm uga nna ichən a bu uwa ya uzəngtəng ka ashe onəm oga ngwal iyam nzəng ká uAbsalom.>> Te uDawuda nəm afar pa, <<ÁYawe, re ichən va uAhitofel i na ûAbsalom te, a ya ichən ilakchi.>>

32 Ka awalang va UDawuda kyen ba chu apal abam, ka atak va onəm i wop Inan ka te, uHushai, unəm oga aArki ba gwang na ka ta, ká ilukwan ikankan, kang ká mbin ká ishi.

33 UDawuda là a na pa, <<A ya pa bu ga nzəng ká mi te, bu tal idək a mi.

34 Nnyi te, a ya pa bu le, bu ga ashe ìtong, kang bu là ûAbsalom pa, <APonzhi, mi ya ukpari bu. Ka ya te, mmami ukpari apo bu, kang nyangmata te,

mi ya ukpari bu,> te bu kamshi mi ka atak bəkchi ichən va uAhitofel i ba ká á.

³⁵ UZadok ká uAbiyata onəm oga nshì iyam awop oma ya nzəng ká bu kat dō? Là oza nkpaktak iyam va u fe ka ashe nzhi aPonzhi á.

³⁶ Ovan oza, uAhimaz uya aZadok ununggwan, ká uJonatan uya aAbiyata ununggwan oma ka ta nzəng ká oza. Iyam va wa fe pa kpaktak te, wa re oza ká a ba a la a mi.>>

³⁷ Te uHushai, ukpa aDawuda le ga aUrushe-lima, uza ba chu mal dakdak ká awalang va uAbsalom ka ntar itong va ta ká á.

16

UDawuda ká uZiba

¹ Awalang va uDawuda lyam apal aduktum va ta pa dap te, uZiba, uzwal aMefiboshet gwang na. UZiba uwa ká oga azhaki pa parēm va wur nzəngkəng igbāl pa iparēm, ká abəng awar ibangbang igbāl pa izəng, ká awar ikun ipipye igbāl pa izəng, ká izəmbər ndəng ibangbang pa izəng.

² Uponzhi bəp uZiba pa, <<U ba ká oga iyam va ta kakul iza yà?>> UZiba na aman pa, <<Oga azhaki te, kakul pa onəm oga nzhi bu á kyen ká, nzəngkəng ká oga awar ikun te, kakul pa onəm á ri, kang ndəng ibangbang te, kakul unəm va achen ga rwam na ka ashe nzam te, uza á wá.>>

³ Te uponzhi bəp na pa, <<UMefiboshet, ukəka anəm uga nzhi bu uShawulu ka che yà?>> UZiba na aman pa, <<Uwa ka ntəm ka aUrushelima,

ka_kul uza_ ka_ nrəng pa, <Nda va_ ta_ oIsarila i ga nle ká iponzhi akəka mi á mi.> >>

⁴ Te uponzhi là ûZiba pa, <<Nkpaktak iya_m va_ iji aMefiboshet te, n na á bu chit.>>

Kang uZiba na a_mə_n pa, <<Irirì aponzhi a gbang, re n ya nchər mbalbal_ ka_ mpyal bu pa đəkər, anəm uga nzhi mi.>>

UShimeyi pwat uDawuda

⁵ Awalang va_ uponzhi uDawuda ba chu aBahurim te, unəm uro fa ka_ ta adidin pa, uShimeyi uya aGera unungwan ka_ akum aShawulu, nəm inok mpwat uDawuda.

⁶ UShimeyi pak inok nkwan uponzhi ká onəm oga nnəm inunok ká ipang, kap ka_ nva_ pa_ onəm oga nnəm inunok ká oshozhashozha gang na gang á.

⁷ Kang nva_ uShimeyi ka_ mpwat na te, i là pa <<Ga cho, Ga cho, anəm uga ngbang onəm, unəm lakchilakchi.

⁸ UYawe ka_ mpyat akat nchər va_ u tar ka_ nzhi aShawulu, uwa u vyat itok iponzhiponzhi á. Nyangmata_ te, uYawe na iponzhi bu chit ka_ ashe awo ayen bu uAbsalom. Kang iya_m ibá_ngbang ya bu chit, ka_kul mma_bu unəm uga ntar nchər:>>

⁹ Te uAbishayi uya aZeruya unungwan a là ûponzhi pa, <<Anəm uga nzhi mi, sang kang bu re ìva ikúku va_ ta_ i pwat bu yà? Re mi n ga na n gəl ishishi.>>

¹⁰ Nnyi te, uponzhi na a_mə_n pa, <<Óvan aZeruya onungwan, iza yar wó ká nnap nva_ ta_ yà? A yà pa_ uYawe a là á na pa_ uza_ a pwat uDawuda te,

uda kur mbəp na pa, <Sang kang bu nəm pa yà?>>

11 Te uDawuda là ûAbishayi ká nkpaktak onəm oga nnəm inunok pa, <<Uyen mi va n mar ka afu mi ka nram iriri mi kpa, te nji anəm uga aBenjamin te, ijuwak kat dō? Ó re na, uza a pwat mi. Kaku uYawe à là á na pa uza a nəm pa.

12 Mwote uYawe i ya mbək anung mi, kang uza i nak nnap-nnənan á mi kaku mpwat va uShimeyi pwat mi nda va ta.>>

13 Te uDawuda ká onəm wò ga mpyal ká achen. Nnyi te, uShimeyi yar ka ngbak aduktum bək nvang oza ká mpwat uDawuda, i kwan na ká ipang kang i dung mbwang a na.

14 Awalang va uponzhi ká nkpaktak onəm va nzəng ka na chu aWang aUrdun te, oza bəlak pa gənggəng kang oza jul ka ta.

Ichən aAhitofel ká uHushai

15 Te uAbsalom ká nkpaktak onəm oIsarila va nzəng ká na ba aUrushelima, kang uAhitofel wa nzəng ká na.

16 Te uHushai, unəm oArki, ukpa aDawuda, ga atak aAbsalom, kang uza là á na pa <<Iriri aponzhi atəm. Iriri aponzhi atəm.>>

17 Nnyi te, uAbsalom bəp uHushai pa, <<Mman va ta bu nyám ukpa bu dō? Iza nak kang u ga nzəng ká ukpa bu kat yà?>>

18 Te, uHushai na aman ûAbsalom pa, <<Pa kat. Mmami te, mi yar nvang anəm va uYawe, ká nggatək va ta, ká nkpaktak oIsarila yak, kang mi təm nzəng ká uwa.

19 Kađi te, uda má pa n nəm inok á na yà? Uya aDawuda kat dò? Wa nva n nəm upo bu te, wa nnà ta, mi nəm a bu kpa.>>

20 Te uAbsalom là ûAhitofel pa, <<Na ichən bu a yi. Iza i nəm yà?>>

21 UAhitofel na aman ûAbsalom pa, <<Ga, na u ra ká ochar apo bu, ochar va mí nak ka ashe nzhi pa kùk va uza re pa a pángchí nzhi á. Te nkpaktak oIsarila i fe pa, ndamshi nro i yà ká ishimshe bu, ká upo bu lap kat. Iyam va ta i na nkam irəng nkpaktak onəm oga nyar nvaṅ bu.>>

22 Kakul nva ta te, oza pak aghal ka apal nzhi ntátá aponzhi, kang uAbsalom tar ka ashishe, ká iwu oIsarila pa kpaktak, kang a ga ra ká ochar apo wò, ochar va mí nak ka ashe nzhi pa kùk á.

23 Ka ashe nra va ta te, onəm i kam ichən aAhitofel, bu là pa nnap-nlà Inan uza i là. Wa nnà ta uDawuda, ká uAbsalom i kam ichən aAhitofel.

17

UHushai tàng uAbsalom

1 Kađi te, uAhitofel là ûAbsalom pa, <<Re n yak onəm ikalong pa igbapchi aman pa parəm (12,000), na i wà nvaṅ aDawuda ká izwam va ta.

2 Mi ga mi ru na ká ikum ya uwa ká nrwam achen ká nchwan izər. Mi gbak na pa gənggəng, kang nkpaktak onənəm ichəng. Mi gbaḷ uponzhi ka nkukwa,

3 kang mi le ká onəm a bu pa kpaktak wa nva mi ga ká uchardap ka nzhi abəbar á. Iriri anəm

pa uzəng na ká nkukwa mmaḅu kà nrəram, aḅo onəm pa kpaktak te, oza á təm ká ikánkáng.>>

⁴ Te, ichən va ta chàng ká uAbsalom, ká nkpaktak onəmbak oga aIsarila.

⁵ Nnyi te, uAbsalom là pa, <<O ḅa ká uHushai, unəm oArki, na i fe iyam va uza i là ka apal nnap va ta.>>

⁶ UHushai ḅa chit te, uAbsalom là á na pa, <<Ichən va ta uAhitofel na. I nəm wa nva uza là dò? A yà pa inəm pa kat, te wa là nji ḅu a yi.>>

⁷ Te, uHushai na aman ûAbsalom pa, <<Ichən va uAhitofel na ka awalang va ta te, a byen kat.

⁸ U nyinyi pa upo ḅu ká onəm va nzəng ka na te, onunggwan ikum olakchi kat, kang oza i nəm ikum wa idaməng va mmá wur ivan ká na. Upo ḅu unəm va nyi ashar ikum pa gənggəng, uza i ya ká nra nzəng ká onəm kat.

⁹ Nyangmata te, uwa i yà ka ashe ache aro kat te, uwa i bwam ka atak aro. A yà pa ka ikum ngga nggəshi na byet kang mmá gḅang onəm ḅu pa dap te, unəm va pa kap a fe te, i là pa, <Mmá gḅang onəm aAbsalom chit pa makmak.>

¹⁰ Iyam wa ivə ta i nak ununggwan va kam igwak wa ilir i le i sarak ká ayər. Kakul nkpaktak oIsarila nyinyi pa upo ḅu ununggwan uga nyi ikum pa gənggəng, kang onəm va nzəng ká na te, oga nkam igwak na kpa.

¹¹ <<Kakul nva ta te, mmami kà nna ichən pa, re mmá ḅut nkpaktak oIsarila á ḅu, á ḅan ka aDan a ga achu aBeyersheba. Iyəl oza i yà wa ashishiri aga anung iwa, kang mmabu ká ishi ḅu te, ḅu ləp mpyal ôza, ó ga atak ikum.

¹² Te i ru na ká ìkum ka atak va pa káp i yá na kà, kang i zəpchi na wa nva ìmimyang i ra ka mbin á. Uza ká onəm wò te, mí nre unəm uro ká ìriri kat.

¹³ A yà pa uza a chər a tar ìtong iro te, nkpaktak oIsarila i ram asang, kang i dap akamsəlang ìtong va ta i ga ká ka ashe abandam, i re ìpang iro ìbwakan ka apal ìwuwan kat.>>

¹⁴ Te uAbsalom, ká nkpaktak onəm oIsarila là pa, <<Ichən va uHushai, unəm oArki na te, a byen ji aji aAhitofel ji.>> Kákul uYawe a nak pa, na o vyap ichən inənan aAhitofel, na ô ba ká iyam ìbángbang ka apal aAbsalom.

¹⁵ Te, uHushai wong byet, ga là onəm oga mpyal awop, oma uZadok ká uAbiyata pa, <<Ichən va ta uAhitofel na ûAbsalom ká onəmgbak oIsarila pa mmá nəm, nnyi te, ichən va n na te nna ta.

¹⁶ Nyangmata te, ó nak nre a ga ûDawuda pa kəlak pa, <Kang uza a ra ka anung Awang aUrdun ká ìzwam va ta kat. Nnyi te, uza a dak a pal agwong a tar nzam, a yà pa kat te, mi zhì uponzhi ká onəm va nzəng ká na pa kpaktak.> >>

¹⁷ UJonatan ká uAhimaz oma ka nlok ka atak mbəl ndəng nro mi wor pa aEn-Rogel. Mmá nak uyen uchar uzwal uro chit pa uwa i ga i là nre oza, kang oza nnyi te, i ga i là nre va ta ûponzhi uDawuda. Oza i nəm pa le kang mmá ya oza ka ntar ka ashe ìtong va ta kat.

¹⁸ Nnyi te, uyenzam uro ya oza, kang a ga là ûAbsalom. Te, uJonatan ká uAhimaz chəng ga táng nzhi anəm uro ka aBahurim. Uwa ká ndəng nkapkàp ka ashe agəlan nzhi wò, te oza dòng ka ashe ache ndəng nkapkàp va ta, oza bwam.

¹⁹ Te, uchar anəm vā ta yar iyām kang a nār ka apal anung ndəng nkapkàp vā ta, te uza nyáp ìkur ka pəpal. Unəm uro nyi iyām ìro ka apəpal kat.

²⁰ Awalang vā onəm aAbsalom ba chu atak achar vā ta ka nzhizhi te, oza bəp na pa, <<UAhimaz ká uJonatan che ya?>>

Te uza na aman ôza pa, <<Oza pang awang chit.>> Onəm vā ta mwo atak, ñnyi te, oza ya unəm uro kat, te oza le ga aUrushelima.

²¹ Nvang vā onəm aAbsalom ga chit te, uAhimaz ká uJonatan fa ka ashe ache ndəng nkapkàp vā ta, oza ga atak aponzhi uDawuda, kang oza là á na pa, <<Wong kəlak, na u pal awang aUrdun, kakul ichən vā ta uAhitofel na ka apal ishi bu.>>

²² Te uDawuda ká nkpaktak onəm vā nzəng ká na wong, kang a pang Awang aUrdun. Atak wong pa ô tan te, unəm uro yà bur ka ashe oza uvəngva uwa pal chit kat.

²³ UAhitofel ya chit pa mmá kam ichən wò kat te, uza đamshi aZhaki wò, uza kyen le ga nzhi wò ka mbin wò. Nvang vā uza đamshi ashe nzhi wò gbał te, uza zong ishi wò ká asang, uza kú, kang mmá li na ka ashe awap apupo.

²⁴ Te, uDawuda ga aMahanayim, kang uAbsalom ká nkpaktak onəm oIsarila pang Awang aUrdun.

²⁵ UAbsalom ka kyer uAmasa chit pa a yà uPonzhi oshozha kađor aJowap. UAmasa te, uya aJeta ununggwan va fa ka akum ijili oIshmayil. Uchar aJeta te, uAbigel uya aNahash uwa ugənanng ká uZeruya unang aJowap á.

²⁶ UAbsalom ká onəm oIsarila ləp apak ka mbin aGileyat.

²⁷ Awalang va uDawuda ba chu aMahanayim te, uShobi uya aNahash ununggwan, va fa ka aRaba oAmmon, ka uMakir uya aAmiyel ununggwan va fa ka mbin aLo-Debar, kang ka uBarzilayi unəm oga aGileyat va fa ka aRogelim,

²⁸ Oza ba ka oga iya va ta ka awo, oza ba ka oga ndakal nra, ka ikpang, ka ngbat. Oza ba ka izangzang, ka ibashi, ka mma, ka ikur iforfor, ka aso, ka aso njiman,

²⁹ ka mmal irizhe, ka mbyal iya nkang nnəknək, ka itam, ka mbyal ina nnəknək. Oza ba ka oga iya va ta oza pa oza a ri. Kakul oza nyinyi pa, uDawuda ka onəm wə oma ka nfe ka ayang, ka nrwam achen, ka ndəng ngba, ka ashe nzam.

18

Iku aAbsalom

¹ Te, uDawuda but oshozha va ka ya nzang ka na, kang a kap oza idongkong iro ka onəm ikalong, kang iro ka onəm igba. Nna chit te, uza kyep onəm oga mpyal ka apal nza idongkong nggo.

² UDawuda kap oshozha wə idongkong pa ishatding. Uza nak idongkong iro ka avəng aJowap, idongkong ipəpar ka avəng aAbishayi ugənan aJowap uya aZeruya ununggwan, kang idongkong ishishat te, uza nak ka avəng altayi unəm oGiti. Te, uponzhi la oshozha wə pa, <<Mmami ka ishi mi, mi ga ikum ta nzang ka wó.>>

³ Nnyi te, oshozhashozha na aman pa, <<Pa kat, bu ya ka ngga nzang ka yi kat. Kakul a ya pa i

wong ichəng te, i đak onəm aAbsalom kà yi kàt. Kàt te, a yà pà oza a gbəng onəm yi nkap kà ishimshe nggo te, i đak oza kàt. Oza dom mmabu na kakul u ji onəm yi ikalong pà igbapchi ji. I kakap pà u təm kà ashe itong vā tā, na u re nre á yi kà nkamshi.>>

⁴ Te uponzhi là ôza pà, <<Iyam vā o ya má kà wó pà kap te, mi nəm nna.>>

Te uponzhi sat kà ngbak anung asal itong vā ta kà awalang vā nkpaktak oshozhashozha kà nwatar kà atak oga idongkong igbal-igbal, kà ikalong-ikalong.

⁵ Te, uponzhi là ûJowap kà uAbishayi, kà uItayi pà, <<Kakul mi te, o nəm dakdak kà uyen zam vā ta uAbsalom á.>> Kang nkpaktak oshozha fe uponzhi fe kà nlà nnap ta kà apal aAbsalom û nza unəm ga mpyal oza nggo.

⁶ Te oshozha aDawuda fa ga ashe agbagba na o lung ikum kà oshozha oga aIsarila, kang oza lung ikum vā ta kà ashe ikun iga aEfrayim.

⁷ Te, oshozha aDawuda ri oshozha oIsarila kà ikum. Kang mmá gbəng onəm pà makmak kà nda ata. İyəl onəm vā mmá gbəng kà nda vā ta te, ikalong isəm pà iparəm (20,000).

⁸ İkum vā ta wong nyanggal kà ashe mbin pà kap, kang onəm vā nzam ri te, oza yəl ji onəm vā ji mmá gbəng kà ndokchi.

⁹ Nná mmá kà ashe nlung ikum vā ta te, uAbsalom wong gwang kà oshozha aDawuda. UAbsalom đak pà ô chér kà apal alabitiri wò te, uza tar kà kum ikun ro mi wór pà aOak, te ishishi

tar gəram ka agong ikun va ta. Alabitiri ñnyi te, a chər watar ga iyam wò re na uza i zere ka ta.

¹⁰ Unəm ro ka ashe onəm aDawuda ya iyam va ya uAbsalom, te uza ga là ûJowap pa, <<N ya uAbsalom uwa ka nzere ka apal ikun aOak ka cho.>>

¹¹ Te uJowap là ûnəm va ba là nnap ata á na pa, <<Iza á? U ya na á? Iza nak kang ulap na, ugba! ka ata kat ya? Ká n na imwa abu ká aazurfa pa gbapchi, ká iyam ga nkpan afu ônəm oga nnəm igwan.>>

¹² Ñnyi te, unəm va ta là ûJowap pa, <<A yà pa mmá na aazurfa á mi ikalong pa izəng ka awo te, mi yà ká ngba! uya aponzhi kat. Kaku! ká achwang yi, i fe uponzhi fe ka nlà á bu, ká uAbishayi, ká Itayi pa, <O nak ishi nak á mi ká uyen zam va ta uAbsalom, kang o gba! na kat.>

¹³ Ka ya pa n pyen nnap va ta kang n gba! na te, uponzhi ka wong ka fe, te ká u chər ká u gbəng ka mi. Ñnyi te, iyam ro ya ibwambwəm ka atak aponzhi kat.>>

¹⁴ Te, uJowap là a na pa, <<Mi yà ká nvyap awalang mi ntal ká bu ká ta kat.>> Te uza wur abár pa shatding ká awo kang a ga atak aAbsalom, ya uwa ka ya ka nzere ká iriri ka apal ikun aOak, kang a kyep na ká oga abár pa shatding va ta ka ikwoksok.

¹⁵ Te, ovan n zam pa ogbapchi oga nwur iyam bang uJowap gang uAbsalom kang oza nəm na gba!.

¹⁶ Te uJowap bur agbəshi kaku! ndat ikum, kang oshozhashozha re nwa nvəng oshozha oIsarila.

¹⁷ Oza₁ yar akúm aAbsalom oza₁ mandar ka₁ ashe ache agbánggbàng ro ka₁ ashe nzam, kang oza₁ wur ipang bəp a na ká ishi. Ìnyi te, nkpaktak oshozha oIsarila chəng ga oga nzhi oza₁.

¹⁸ Ka₁ awalang va₁ uAbsalom wa ka₁ yà ká irirì te, uza₁ ka₁ pak ipang iro kakul nrəng ká ishi wò ka₁ ashe abandam aponzhi. Uza₁ nəm pa, kakul uza₁ rəng nnap pa, <<N yà ká uyen unungwan uro va₁ i yar adin mi kat.>> Uza₁ sok adin wò ipang va₁ uza₁ me ta. Nna nak kang na mmá ka₁ nwor ipang va₁ ta, ipang aAbsalom ba chu nda va₁ ta á.

UDawuda yéng ikú aAbsalom

¹⁹ Te uAhimaz uya aZadok unungwan là uJowap pa, <<Re n chér, n ga, n shet uponzhi pa uYawe kam ishishi chit ka₁ awo okpa ikukum.>>

²⁰ UJowap na aman a na pa, <<O'o, bu ga ká nre nda ata₁ kat. Nda aro te, bu gəga ká nre, ñnyi te, bu ga ká nre nda ata₁ kat kakul uya aponzhi unungwan a kú.>>

²¹ Te uJowap wór unəm uga aKush* ro re na pa, <<Ga bu là uponzhi iyam va₁ u ya á.>> Te unəm uga aKush va₁ ta kuchi ûJowap, kang a wong ga ká nchér.

²² Te uAhimaz uya aZadok unungwan, á là ûJowap kađi pa, <<Iyam va₁ pa kpaktak i ga nyà te, a đak mi kat. Re mi na n ga ká nvang a nəm uga aKush.>> Ìnyi te, uJowap là á na pa, <<Ayen mi, iza₁ nak kang bu dom pa uga yà? Nna u nyinyi pa nre ta₁ te, imwa yà ka₁ kat á.>>

* **18:21 18.21** aKush te n na mi wor pa aEtopiya.

²³ UAhimaz là pa, <<I yà sang nggo te, n dūdōm pa n chér n ga ká nna.>> Te uJowap là á na pa, <<Chér ga đak.>> Te uAhimaz yar asal va wòl agbagba aUrdun, kang uza chér ga watar unəm oga aKush va.

²⁴ UDawuda wa ka yà kà ntəm ka ishimshe oga anung asal pa aparəm aga ìtong va ta te, unəm uga mpángchí atak kyen ba ga nkur anung asal ìtong iga akamselang va ta. Uza wong ká ishi te, uza ya unəm chit ka nchér i ba atak oza ká nkukwa.

²⁵ Uza lèp a chu là uponzhi. Te uponzhi là pa <<A yà pa uza ká nkukwa wo te, ya uza ka òre nnənan.>> Unəm va ta ba datkulung na chwát.

²⁶ Unəm uga mpángchí atak va ta ya unəm ukak chit kađi ka nchér i ba te, uza là unəm ga ndər anung asal ìtong va ta pa <<Đər, unəm uro wa ichér i ba cho.>>

Te uponzhi là pa, <<Uza ka mba ká òre nnənan na kpa.>>

²⁷ Unəm uga mpángchi atak va ta là pa, <<A nəm á mi na unəm uga nggəshi va ta ka chér wa aAhimaz uya aZadok unungghan.>>

Te Uponzhi là pa, <<Uza unəm ukin, uza ka mba ká òre nənən.>>

²⁸ Te uAhimaz lèp a chu ûponzhi pa, <<Ndaktak yà kađ.>> Uza kuchi iwuwu vang asal veng ka mpyal aponzhi, uza là pa, <<Ashep təm aji aYawe Inan bu chit, va na onəm va fa iyamkak ká bu ka ashe awo bu anəm uga nzhi mi uponzhi.>>

²⁹ UPonzhi bəp pa, <<UAbsalom uyenzam va uwa yà ukángkáng dò?>>

Te uAhimaz na aman pa <<Ka awalang va uJowap ka nre mi te, n ya atak nyanggal. Nnyi te, n nyi iyam va fa kat.>>

³⁰ UPonzhi là á na pa, <<Sat ka ngbak na u lok.>> Te uza le tal ka ngbak va pa kwak.

³¹ Te unəm oga aKush ba kang à là pa, <<Anəm uga nzhi mi, uponzhi, fe nnap-nlà nchángchàng. Ká nda ta te uYawe na igwan a bu chit ka apal nkpaktak onəm va fa iyamkak ká bu.>>

³² Te uponzhi bəp na kađi pa, <<UAbsalom uyen zam va uwa ya ukángkáng dò?>>

Unəm oga aKush na aman pa <<Re okpa ikum anəm uga nzhi mi uponzhi, ká nkpaktak onəm va yar inga ka apal bu a ya wa ayen zam va ta.>>

³³ Ichəgwak ləp uponzhi, te uza kyen ba ga nzhi ngga apal ngga anung asal itong va ta, uza ká nyəng i là pa, <<Áyen mi uAbsalom, áyen mi, áyen mi uAbsalom, kakap mmami na ka nkú, mmabu kat. ÁAbsalom, uyen mi, uyen mi.>>

19

UJowap ran ká uDawuda

¹ Mmá là ũJowap pa uDawuda ka nyəng ikú aAbsalom ká mbaŋg igwak.

² Kakul nva ta te, igwan va mmá nəm ká nda va ta te, a wal adər ka atak onəm pa kpaktak, kakul onəm fe pa uponzhi ka nyəng kakul ayen wò unungwan.

³ Oshozha mwom kang i táng itong nda va ta wa oshozha va mmá ri ká ikum kang iwuswa nəm oza ká ntáng itong á.

4 Uponzhi gún asal awu wò kang i yéng pa gbánggbáng, i là kà pa, <<Àyen mi uAbsalom, áAbsalom, áyen mi, áyen mi.>>

5 Te UJowap ga tar nzhi aponzhi kang à là á na pa, <<Nda ta u na iwuswa ôshozha bu chit. Oza mà kam ishi irirì bu, kà irirì ovan bu onungwan kà ochar, kà ochar bu, kà ochar va mí nak kà ashe nzhi pa kùk.

6 U man unəm uga nkpang bu wà, onəm va man bu ònyi te, u yang oza. Nda ta u nyám chit mbang pa, onəm oga mpyal oshozha bu, kà onəm va kà vèng oza, a sat iyam iro kà mpyal bu kat. N ya chit pa kà chəchàng kà bu, kà yà pa uAbsalom uwa yà kà iriri kang mmayi te kà kú pa kpaktak.

7 Nyangmata wong fa na u kam irəng ônəm bu. A yà pa bu wong bu fa kat te, n sòng anung kà uYawe, unəm uro i yà kà ntəm nzəng kà bu kà izwam va ta kat. Nva ta i ga mbáng i ji oga iyam va ji kà ya bu kà ivanzam bu ba chu nda va ta.>>

8 Te uPonzhì wong fa təm kà atak va mí but kà kà anung asal itong. Awalang va mmá là ônəm pa, <<Uponzhi uwa təm kà anung asal itong.>> Te, onənəm pa kpaktak ba atətak.

Ònyi te, oshozha oIsarila kà chəng chit kà ga oga nzhi oza.

UDawuda le aUrushelima

9 Onəm oga aIsarila pa kpaktak kà ndap izər kà izər oza pa, <<Uponzhi Dawuda wa kam ishi yi kà atak onəm ga nkpang yi oFilisti. Nyangmata te, uza chər chit, uza re mbin kakul aAbsalom.

10 Kang uAbsalom va i kyer na pa a ya uponzhi yi te, a kú chit kà atak ikum. Iza nak kang na o là

iyam iro chit ka apal nle mba ka uponzhi kat ya?
>>

11 Oga nnap-nla va ta oIsarila ka nlela tar achwang aPonzhi uDawuda te, uza re nre ga atak onem oga nshi iyam awop oma, uZadok ka uAbiyata pa mma la oza pa oza a bep onemgbak oYahudi pa, <<Iza nak kang oza oma i ya oga nkur anung ka nla nnap ngga nle ka uponzhi ka nzhizhi ya?

12 Mmawo na ogenang mi, izar ka ncher mi. Iza nak kang mmawo na o tong onem oga nkur anung ka nle ka uponzhi ka nzhi ya?

13 O la uAmasa pa, <Mmabu izar ka ncher mi kat do? Inan a nap-akwali ka mi, a ya pa mmabu na uponzhi ikum oshozha oIsarila ka anung aJowap kat a.> >>

14 Wanta na uDawuda gaban igwak onem oga aYahudi ya wa igwak anem pa uzeng. Te oza re nre uponzhi pa uza a le nzhi ka nkpaktak onem va ka atetak a.

15 Te uponzhi ru asal nzhi uza ba chu anung aWang aUrdun.

Nyangmata te, onem oga aYahuda ba aGilgal kakul pa na o gwang uponzhi, na o kamshi na ka mpa aWang aUrdun.

16 UShimeyi uya aGera unungwan ka akum ijili aBenjamin ka aBhurim, ghan fa ga nzeng ka onem oga aYahuda kakul pa na o gwang uponzhi uDawuda.

17 Uza nzeng ka onem ikalong pa izeng (1,000) ka akum ijili aBenjamin, nzeng ka uZiba uzwal aponzhi uShawulu, uva ka ovan pa ogbapchi

aman pa tukun, ká okpari isəm pa iparəm, oza ga aUrdun pa na o gwang uponzhi.

¹⁸ Oza pang awang pa na o pang onəm aponzhi, na o nəm iyam va á na uza dom á.

Awalang va uShimeyi uya aGera ununggwan pal te, a ba ru ka mpyal aponzhi,

¹⁹ uza là pa, <<M ba pá na n chal bu ka apal ishi iyam inga va n nəm á bu ka ilum va u fa ka ashe aUrushelima. Kang wa kpan ka afu kat.

²⁰ N nyinyi pa n nəm nnap-mbángbang á bu, nna nak te mmami na nfa ka ashe nzhi aYusufu mpyal, m ba pa na n gwang bu aponzhi.>>

²¹ Te uAbishayi uya aZeruya là pa, <<A mal pa mmá gbal uShimeyi kakul uza pwat bu uponzhi va uYawe gar á.>>

²² Nnyi te uDawuda na aman á na pa, <<Iza gwang mi ká wó yà, óvan aZeruya? O dom pa o ba ká ndaktak á mi dò? Mmami na uPonzhi oIsarila nyangmata, kakul nva ta te, unəm uro yà mi gbal ka ashe aIsarila nda ata kat.>>

²³ Te uponzhi là uShimeyi pa, <<N sòng anung á bu pa mi gbal bu kat.>>

²⁴ Te uMefiboshet ukəka aShawulu aga nggwang uponzhi, uza nàl ashar wò kat, uza wur asal awu wò kat, kang uza nàl ilukwan wò kat kpa á ban ká ilum va uponzhi re aUrushelima ga chu ilum va uza le ba ká ikángkáng.

²⁵ Ka awalang va uMefiboshet wong ka aUrushelima ba chu atak aponzhi te, uponzhi bəp na pa, <<ÁMefiboshet, iza nak kang u ga nzəng ká mi kat yà?>>

26 UMe**fiboshet** na aman á na pa, <<Anəm uga nzhi mi, uponzhi, u nyinyi pa mmami unəm ugurum. Awalang va n nlà úzwal mi uZiba pa a bak nkongkong á mi ka apal azhaki na n nkyen n ga nzəng ká uPon**zhi** te, uza lam mi, uza ga.

27 Te uZiba uzwal mi á lak adin mi ka mpyal bu pa, n yang ka nyar nvang bu. N nyi pa mma**bu** wa aMa**leka** Inan, kakul nva ta te, nəm á mi iya**m** va u ya ma ká bu.

28 Kakul onəm oga ashe nzhi akəka mi pa kpaktak te, i nak chit pa bu gbang yi ikú, ka**for** nva ta te, u na ichumchum á mi ka ashe onəm va i ri iya**m**-nrì ka apal atebəl nzəng ká bu. Te mi là iza uPon**zhi** lap ya?>>

29 Te uponzhi uDawuda là á na pa, <<Sang kang bu là pa ya, iya**m** va nlà chit te nna pa, mma**bu** ká uZiba te, o kap mbin aShawulu.>>

30 Te uMe**fiboshet** là á na pa, <<Mmá re á na pa chatchat, nva u le ká ikangkang te á kur mi kur, apon**zhi** mi.>>

31 UBarzilayi unəm oga Gileyat uza fa ka aRogel**im** vang pa na o re uponzhi a pal agwong awang aUrdun kang.

32 Uza unəm gbakgbak u va nəm izun chit isəm pa inanne, kang uza unəm ga idur pa makmak. Uza uwa i na iya**m**-nrì uponzhi ilum va uponzhi wa ka ya ka aMa**hanayim**.

33 Uponzhi là ûBarzilayi pa, <<Ba, i pal awang nzəng, na i ga aUrushel**ima**. Mi nak ishi ká bu ka ta.>>

34 Te uBarzilayi là ûponzhi pa, <<Mi nəm izun pa ipəchəng ta lap kang mi ga ntəm ká bu ka aUrushel**ima** ya?

³⁵ Nda ata te, mmami ká ìzun ìsəm pa inanne. N nyi nvan iyam ibángbang ká ichángchàng kat, kang mi fe nchàng iyam va mi ri ká iyam va mi wa lap kat kpa. Mi yà ka nfe nchàng oga nnap nshi lap kat kpa. Mi ga nsat idək á bu aponzhi.

³⁶ Nkur pa n kam imwa ichumchum va ta ka awo bu kat. Iyam va mi nəm te, mi pal agwong awang aUrdun ká bu pa dap chwat.

³⁷ Te wa re mi na n le n ga itong mi na n kú ka ta, mmá li mi ka atak awap apo mi ká unang mi. UKimham wa ta ukpari mi, uwa á ga nzəng ká bu, kang bu nəm iyam va á na u dom á.>>

³⁸ Uponzhi là pa, <<Mi ga nzəng ká uKimham, iyam va pa kpaktak u dom te, mi nəm á na. Kang iyam va pa kap u dom ka atak mi te, mi nəm á bu.>>

³⁹ Te nkpaktak onəm pang agwong aUrdun ká uponzhi. Ka nvangva uponzhi má njang uBarzilaiyi chit far nnap-nnənan á na te, uBarzilaiyi le nzhi wò.

⁴⁰ Awalang va uponzhi pal ga aGilgal te, uKimham pal nzəng ká na. Nkpaktak oshozha oYahudi ká nkap iyəl oIsarila ka ishimshe oza pang agwong awang nzəng ká uponzhi kpa.

⁴¹ Te onəm oIsarila ba atak aponzhi là á na pa, <<Sang kang ogənanng yi oYahudi ba yar bu pa dya ka onəm bu pang agwong ká ka nnyi yi kat yà?>>

⁴² Onəm oga aYahudi na aman pa, <<I nəm pa, kakul uponzhi ugənanng yi uga ndatkulung. Yar sang kang nnap va ta i ram wó yà? Iza i ri ka atətak yà? Mwote o fe pa uza na imwa iro a yi da bo?>>

43 Onēm oIsarila là onēm oga aYahudi pa, <<I kap wó nvàng pa ngbapchi ka atak aponzhi uDawuda, á yar sang kang ó bak yi yà? Ká mmayi na nggəshi va ban là nnap mba ká uponzhi kađi kat dō?>>

Oza ga mpyal ka ndap izər, uva ta i là, uva cho i là. Nnyi te, nnap-nlà va oga aYahudi là te á rwa ji nji oIsarila ji.

20

USheba fa iyamkak ká uDawuda

1 Ka ashe oga nra va ta te, unəm ulakchilakchi uro uwa ka yà adidin pa uSheba uya aBikri unungwan ka akum ijili aBenjamin. Uza bur agbəshi pa, <<I yà ká iyamkup iro ká ashe aDawuda kat, i yà ká iyamkup iro ka ashe aya aJese kat, udanggo á le aghal wò óIsarila.>>

2 Onəm oIsarila le ká uDawuda re oza yar nvàng aSheba uya aBikri unungwan. Nnyi te, onəm oga aYahudi sat ka ngbák aponzhi oza, kang oza ga nzəng ká na, ban ka awang aUrdun, ga chu aUrushelima.

3 UDawuda ba chu nzhi wò ka aUrushelima te, uza wur ochar va mí nak ka ashe nzhi pa kùk pa ogbapchi va uza ka re pa apángchí nzhi wò. Uza nak oza ka nzhi nro pađi, kang uza nak pa mmá pángchí oza. Uza ga mpyal ká mmwa ndaktak ôza, nnyi te, á ga atak nra ka oza lap kat. Mmá re oza ka ta ga chu ilum ikú oza. Oza təm wa ochar okpələng.

⁴ Te uponzhi là ûAmasa pa, <<Wor onəm oga aYahudi á mi kạ ashe nra pạ nshatđing, mmabu te wa ba kpa.>>

⁵ Te uAmasa fa ga pạ na o but onəm oYahudi, kang nra vạ mmá na á na pạ nshatđing te ga watar u wa ba chit kạt.

⁶ Te uDawuda là ûAbishayi pa, <<USheba uya aBikri ununggwan i ga nna mbək anung á yi i ji nji aAbsalom ji. Wong pạ kəlak kạ onəm mi na u wa nvəvang, le kang uza a ram itong iga akamselang a bwam kạ kạt.>>

⁷ Te onəm aJowap kạ oKeriti kạ oPeleti nzəng kạ oshozha vạ i pąngchí uponzhi, oza fa re aUrushe-lima na o bak uSheba uya aBikri ununggwan.

⁸ Oza ba chu inang ipang va kạ aGibiyon te, uAmasa fa gwang oza. UJowap te u wa kạ ilukwan oshozha kạ izər, kang kạ iyam iga nkpan adədək te ikpal i ya yà kạ izəzər. Uza kạ ashe achen te, ikpal vạ ta tutur fa kạ ashe avakchi ru. Te uJowap kuchi yar kạ awo apam.

⁹ UJowap bəp uAmasa pa, <<Mmabu sang yà agənanng mi?>> Te uJowap yichi awo ari kpan uAmasa kạ kạ igyigyel na ô má njang á na.

¹⁰ UAmasa nyi pạ uza kạ ikpal kạ awo apam kạt, te uJowap kyer na kạ ikpal vạ ta kạ afu, alyer zuk kạ mbin, kang uAmasa kụ, uJowap đak kyer mpəpar lap kạt. UJowap kạ ugənanng wò uAbishayi re na kạ ta, oza ga mpyal kạ ngwa nvang aSheba.

¹¹ Uyenzam ro kạ ashe oshozha aJowap sat kạ ngbak akúm aAmasa kang á là pa, <<Unəm vạ pạ kap məman kạ uJowap, kạ unəm vạ pạ kap

ka nyar nvaṅg aDawuda te, uza á yar nvaṅg aJowap.>>

¹² Te uAmasa ra ka ashe nchər ká ishimshe asal. Unəm va pa kap i ba kang i ya na te, i sat i dər. Nva ushozha va ta ya pa onəm i ba ka ta kang i tong te, uza dapchi akúm aAmasa tar afəp ká, kang uza dang na ká ìlukwan.

¹³ Mmá dapchi akúm aAmasa le ka asal te, nkpaktak onəm yar nvaṅg aJowap, na o bak nvaṅg aSheba uya aBikri unungwan.

¹⁴ USheba watar nkpaktak oga akum ijili oIsarila ga chu aAbel-Bet-Maka, ká nkpaktak nkap mbin oBikri. Oza but, oza yar nvəvaṅg.

¹⁵ Nkpaktak onəm va nzəṅg ká uJowap, oza ba, gang uSheba ka ashe ìtong aAbel-Bet-Maka. Oza but mbin màl ikoksok ká akamsəlaṅ ìtong va ta kang oza i dak pa na o shin akamsəlaṅ ìtong va ta.

¹⁶ Te uchar uga aghan ro ka ashe ìtong va ta là pa, <<O gwong achwang kà mi, o là uJowap pa uza á ba ka ta na nlà nnap ká na.>>

¹⁷ UJowap ba datkulung ká uchar va ta te, uza bəp pa, <<Mmafu na uJowap dò?>>

Uza na aman pa, <<À, mmami na.>>

Uchar va ta là a na pa, <<Gwong achwang ka iyaṁ va uzwal bu i là.>>

Te uza là pa, <<Mmami kà ngwong achwang kà bu.>>

¹⁸ Uchar va ta là pa, <<Ká mmatmat te, onəm i là pa, <Mmá a ga aAbel na mmá kam ichən ka ta.> Te nnap va ta i kùr.

¹⁹ Mmami uzəṅtəṅg ka ashe onəm ga ndom ntəm ikangkang ka nvaṅ nandər ka ashe

oIsarila. Iza nak kang bu dom nshin oga itong yi ya? U dom pa u shin itong va iji aYawe dò?>>

²⁰ UJowap na a man á na pa, <<Pa kat, mi ya ká nvyap kat te nzhi itong wó kat.

²¹ I ya ká nnəm pa kat. Mmami ka mmwo unəm uro adidin pa uSheba uya aBikri ununggwan, va fa ka mbin ngga aduktum aEfrayim, va fa iyamkak ká uponzhi Dawuda. A ya pa o ná na á mi te, mi re itong wó.>>

Te uchar va ta là uJowap pa, <<Mí ga mmandar ishishi i fa à bu ka nsəm akamselang.>>

²² Te uchar va ta ga atak onəm ká ichən inənan, kang oza gəl ishi aSheba uya aBikri ununggwan, oza mandar uJowap ka nsəm akamselang. Te uJowap bur agbəshi kang onənəm re itong va ta. Udanggo le nzhi wò, nnyi te, uJowap le ga atak aponzhi ka aUrushelima.

Onəm oga mpyal aDawuda

(2 aSam 8.15-18; 1 Nnap Nshet 18.14-17)

²³ UJowap uwa uponzhi ikum oshozha oIsarila pa kpaktak. UBenaya uya aJehoyada ununggwan uwa unəm uga mpyal oKeriti ká oPeleti, oma onəm oga mpangchi nzhi aponzhi.

²⁴ UAdoniram uwa unəm uga mpyal onəm oga nnəm inok nkpak ka ashe mbin pa kpaktak. UJehoshafat uya aAhilut ununggwan uwa unəm uga nlir nnap nshetshet oponzhi.

²⁵ USheva unəm uga nlilir. UZadok ká uAbiyata onəm oga mpyal awop.

²⁶ UIra unəm oga aJarit uwa ka ashe onəm oga mpyal awop aDawuda.

21

Mmá pyat akat ôGibiyon

¹ Ka ashe nra va uDawuda ka nnēm iponzhi te, mmá nēm ayang pa makmak izun pa ishatding ka anung ka anung. Kakul nva ta te, uDawuda mwo asal awu aYawe ka ipir ayang va ta. Te uYawe là á na pa, <<Mmá kà mpyat akat nchēr va uShawulu ká nzhizhi táng. Kakul uza gbáng oGibiyon.>>

² Te uponzhi wór oGibiyon là nnap ká oza. OGibiyon pa te, akum ijili oIsarila kat, oza abo oAmori. OIsarila ka sòng anung ôza chit pa o gbáng oza kat. Nnyi te, uShawulu đak pa o gbáng oza pa chatchat kakul ikpar va uza ká ka apal oIsarila ká oYahudi.

³ UDawuda bēp oGibiyon pa, <<Iza mi nēm á wó yà? Ka nza asal mi đamshi inga va mmá nēm á wó ta, na o far nnap-nnēnan ka apal iyamkup aYawe yà?>>

⁴ Te onēm oga aGibiyon na aman á na pa, <<I yà ká ichumchum iga nlà pa uShawulu kat te, nzhizhi á na aazurfa kat te, azənariya á yi kakul nnap va ta kat. Kađi te, i yà ká ichumchum iga ngbał unēm uro ka ashe oIsarila kat.>>

UDawuda bēp oza pa, <<Te, iza o đom pa n nēm á wó yà?>>

⁵ Te oza na a man ûPonzhi pa, <<Unēm va gbáng yi ta, uwa đom pa ká o nzhì yi na kang i yà ká iyam iro ka ashe oIsarila kat te,

⁶ re mmá na ovəvan onungguan á yi pa ofang-shat, na i gbáng oza, i zong oza ka mpyal aYawe ka aGibiyon, itong aShawulu, uponzhi va uYawe yàk.>>

Te uponzhi là pa, <<Mi ga nna oza á wó.>>

⁷ Nnyi te, kakul nsóng anung va ka ishimshe aDawuda ká uJonatan uya aShawulu ununggwan ka mpyal aYawe te, uponzhi van uMefiboshet uya aJonatan ununggwan re.

⁸ Te uponzhi wur uArmoni ká uMefiboshet ovan aShawulu onunggwan pa oparəm, ova uRizpa uya uAhiya mar á na, nzəng ká ovan aMerab uya uShawulu uchar pa otukun ova uza mar ká uAdriyel uya aBarzilayi ununggwan unəm oga aMehola.

⁹ Te uDawuda na oza ka ashe awo oGibiyon, kang oGibiyon gbəng oza, zong oga akúm oza ka apal ikun ka apal aduktum aro ka mpyal aYawe. Nkpaktak oza pa ofangshat va ta kú nzəng ka ashe nra va mmá ka ban mbən ibəshi.

¹⁰ Te uRizpa uya aAhiya uchar, yar ilukwan aryakryak kang à nàr ka apal aduktum va ta. Á təm ka ta ka mban mbən ibəshi ga chu nra va ivar pəng ka apal oga akúm va ta. Uza man inyil ká alum pa a dok ka, kang ká ká izwam te, uza i man izhe iga anyin pa á dok oza ka.

¹¹ Awalang va uDawuda fe iyam va uRizpa, uya aAhiya uchar, uchar va uShawulu kam nak ka ashe nzhi pa kùk nəm te,

¹² uDawuda ga atak onəm oga aJabesh-Gileyat, uza kam oga akup aShawulu ká iji aJonatan uyəyen ununggwan. Kakul onəm oga Jabesh-Gileyat oma ka wur akúm aShawulu ká uJonatan ká ayi ka agbagba aBet-Shan ká atak va oFilisti ka zong oza ka nvangva oza gbəng oza ka aGilbowa.

¹³ UDawuda wur oga akup aShawulu, ká iji

aJonatan, ká_ iji onəm oga ofangshat ovəngva_ oGibiyon gbáŋg.

¹⁴ Te oza_ li akup aShawulu ká_ aji aJonatan ka_ ashe awap aKish upo aShawulu ka_ aZela ka_ mbin aBenjamin, kang oza_ nəm nkpaktak oga iyam_ va_ uPonzhi là_ pa_ mmá_ nəm. Ka_ nvəŋg va_ ta te, Inan fe ayəŋg kakul mbin va_ ta.

Ìkum ká_ oFilisti
(1 Nnap Nshet 20.4-8)

¹⁵ Ka_ ilum sur ro te, ìkum fa ka_ ishimshe oFilisti ká_ oIsarila. UDawuda ká_ onəm wò fa ga ìkum kà_ oFilisti, kang uza_ bəlak.

¹⁶ Te uIshbi-Benob uzəŋgtəŋg ka_ ashe oRe-fayim, onəm va_ oga agban, yar pa_ ô gba_ uDawuda. Uza_ kpan abár va_ idək achəcham akilo pa_ shatding ká_ abubo, kang uwa ká_ ndokchi mpipe.

¹⁷ Nnyi te, uAbishayi uya aZeruya ununggwan ba kam ishishi pa_ kəlak, uza_ ləp uFilisti va_ ta gba_ . Te onəm aDawuda sɔŋg anung á na pa, <<Bu yà ká_ nfa ngga ìkum ka_ yi lap kat, le kang mmá_ gba_ bu, izhan iponzhi oIsarila á kú kat.>>

¹⁸ Ka_ nvəŋg va_ ta te, mmá_ lung ìkum iro kàdi ká_ oFilisti ka_ aGob. Mmá_ kà_ nlung ìkum te, uSibekayi unəm oga aHusha gba_ uSaf uzəŋgtəŋg ka_ ashe akum ijili agban onəm va_ .

¹⁹ Oza_ lung ìkum iro kàdi ká_ oFilisti ka_ aGob. Te uElhanan uya aJayir ununggwan ka_ aBet-Lehem gba_ ugəŋang aGoliyat oga aGat, akun abəbar mwal wa awo atum.

²⁰ Mmá_ lung ìkum iro kàdi ka_ aGat te, nkarbək nro uwa ka_ ta ká_ ifang pa_ ikpaďing ka_ nza_ awo

ká ashar nggo. Pa kpaktak te, uza ká ifang isəm pa iparəm aman pa neding. Uza fa ka akum ijili agban onəm.

²¹ Uza dər oIsarila pa oza iyam iro kat. Te uJonatan uya agənanang aDawuda uShimeya fa gbal na.

²² OFilisti oga oneding va ta oza ka akum agban onəm ka aGat, kang uDawuda ka onəm wò gbang oza.

22

Nnap-nshì igwan aDawuda (Nnap Nsh 18.1-50)

¹ Nnap-nshì va ta uDawuda shì ka nvangva uYawe kam ishishi ka ashe awo nkpaktak onəm oga nkpang na, ká uShawulu.

² Oga nnap-nshì va uza shì te nna ta pa,
<<UYawe uwa ipang mi ká atak mbwam mi. Uwa unəm uga nkam ishi mi.

³ Inan mi uwa ipang va mi bwam kà,
uza uwa ngwangwang mi, ká ikam iga nkamshi mi.

Uza uwa atak mbwam mi, uwa akamselang va mbwam mi,
uza wa i kpak mi, uwa unəm uga nkam ishi mi ka ashe awo onəm oga nyang mi.

⁴ Mi wór ka ashe adín aYawe uva kukur pa mmá na adəngchi á na,
kakul uza i kam ishi mi ka ashe awo okpa ikum mi.

⁵ <<Kakul igum ndəng ngga ikú gang mi,

igum ndəng ngga nzhi onəm kà nnang i
watar á mi kà ishi.

⁶ Asang awap chəp mi chit,
ajip ikú kpan mi chit.

⁷ Kà ashe mbək anung mi te n wór uYawe,
n wór Inan mi.

Kà ashe nzhi awuwop te, uza fe achu mi,
uza gwong achwang kà ayəng mi.

⁸ <<Te apambin tan kang ayənggət,
mbang apabur tan kang ayənggət
kakul uza mən ikum.

⁹ Ngu fa kà mbol alulur,
abələm apər asalsal fa kà ashe atətam,
amor apər asalsal fa kà ashe atətam.

¹⁰ Uza kakchi apabur fər vang,
ká ilulu ikpárkpər kà avəng ashəshar.

¹¹ Uza kyen kà apal aKerub uza wong kà pal,
mmá ya na kà apal abasəm ayər.

¹² Uza gún ishi wò ká atak akpárkpər,
ká ilulu ikpárkpər iga ivar.

¹³ Nnyi te, aməlam fa kà ashe ilulu va ta,
amor apər fa kà mpipyal.

¹⁴ UYawe ləp igbarman kà apabur,
mmá fe achu Anəm uga Ichumchum.

¹⁵ Uza tat iwár wò kang à lyanshin okpa ikum
uzá re nre ká aməlam apər zangtal oza.

¹⁶ Mmá bol akum iwa kà gbagba,
kang mbang apambin mmá re kà gbagba,
kà atak nran aYawe,
kà atak nyi nkamkam va fa kà alulur.

¹⁷ <<Kà apabur uYawe yichi awo yar mi ká,

- uza dapchi mi n fa ka ashe oga ndəng
ngbànggbàng.
- 18 Uza fa ká mi ka ashe awo okpa ikum mi
okamkam,
ka atak okpa ikum mi va kam ji mi ji.
- 19 Oza ru mi ká ilum ka awalang va mmami ka
ashe ndaktak,
nnyi te, uYawe pángchí mi.
- 20 Uza fa ká mi ga ká ka atak va ikangkang kà,
uza kam ishi mi kakul uza fe nchang mi fe.
- 21 <<UYawe mwa mi ka atak nnap-nnəm mi
nnənan,
uza mwa mi kakul awo mi yà ká adak kat.
- 22 Kakul n kpak nnap-mpakpak aYawe,
n yà ká mpat ka atak nəm nnap-mbángbàng
Ínan mi kat.
- 23 N kpak oga nnap-mpakpakpakpak pa kpaktak,
n re oga nnap-nkpakpakpakpakpak chit kat.
- 24 N yà ka mpat nro ka mpipyal kat,
kang n kpak ishi mi ka atak iyam inga.
- 25 UYawe mwa mi chit kakul nnandər va mmami
ká,
kakul mmami pa satsat ka mpipyal.
- 26 <<Ka atak anəm uga nnandər te, u nyám ishi
bu unəm uga nnandər,
ka atak anəm va pa chak te, u nyám ishi bu
unəm va pa chak.
- 27 Ka atak anəm va yà ká adak kat te, u nyám ishi
bu pa u yà ká adak kat,
nnyi te, ka atak onəm onga te, u nyám ishi bu
unəm uga ntan.

- 28 Bu kam ishi onəm oga nyen ká ishi,
 ̀nyı te, ıwu bu ka ndər onəm oga nrup ká ishi
 pa na u yen ká oza.
- 29 ÁYawe, mmaɓu na atak tantàn mi,
 uYawe gaɓan atak kpaɾkpaɾ mi sat atak
 tantàn.
- 30 Nzəng ká nkamshi bu te, mi nəm igwan nəm ká
 ıdongkong oshozha,
 ka atak ichumchum aponzhi Inan mi te, mi
 gantala nza akamsəlang nggo.
- 31 <<Inan pa te, asəsaɓ pa zaraɾa.
 Nnap-nləla təm chit wanta,
 uza ngwangwang nkpaktak onəm va bwam
 ka atətak á.
- 32 Uda Inan ká? UYawe uwa Inan byet.
 Uda ipang ga bwam yi yà? Inan yi uwa byet.
- 33 Inan uwa i na ikam a mi,
 kang i nak asaɓ mi i ga ikánkáng pa sham.
- 34 Uza nak ashar mi á yà wa ashar nkar,
 uza nak mi n sat ka apal oga aduktum
 akúrkúr.
- 35 Uza dyáng ashar ikum áwo mi,
 awo mi i wul ijang acham arəzang.
- 36 U na ngwangwang ngga kam ishi a mi,
 ka atak nkamshi bu na n sat unəm uchum-
 chum.
- 37 U nak mi ka asaɓ va yà ká nlap ifang kaɓ,
 le kang ashar mi a málkán kaɓ.
- 38 <<N wà okpa ikum mi n ga nzhi oza,
 n sat kaɓ ga chu awalang va oza zhi kang.
- 39 N zhi oza, n tung oza ka mbin ngwong maɓ oza,

oza tak ka avəng ashar mi.

40 U na ikam á mi kakul nlung ikum,
u nak okpa ikum mi ka avəng mi.

41 U nak okpa ikum mi gaḅan chəng ka mpyal mi,
kang n zhì onəm va yang mi.

42 Oza yəng i ram nkamshi, ñnyi te, unəm uro ya
pa a kam ishi oza kat.

Oza wór uYawe, ñnyi te, a maṇ oza kat.

43 N tòng oza, oza yal lúkút wa mbwang.
N kpà oza, kang n tòng oza wa abyer aga iwu
asal.

44 <<U kam ishi mi chit ka atak onəm va fa
iyamkak ká mi.

U nak mi n tal uponzhi ka apal ishi oḍyanəm,
kang onəm va n nyi kat te, oza nyang ozwal
mi chit ñyangmata.>>

45 Oḍyanəm ḅa ḅeram á mi ka mpyal,
nva oza fe izər mi te, oza kpak nnap-nnəm á
mi.

46 Ichəgwak ləp oza,
Oza fa ka atak mbwam oza ká ntán izər.

47 <<UYawe uwa ya ká irirì. Nnap-nnəṇaṇ a ya
ipang mi.

Ichumchum sat iji Inan mi, ipang iga kam ishi
mi.>>

48 Uwa Inan uva i pyát akat á mi,
uva nak oḍyanəm ka avəng mi.

49 Uva fa ká mi ka ashe awo okpa ikum mi.
U nak mi ka apal ishi onəm oga nkpang mi,
u kam ishi mi ka ashe awo anəm uga nsur
ìgwak.

50 Ka_kul nva₂ ta₂ te mi shep bu ka₂ ashe o₂ryanəm.

Mi shì nnap ngga nshep a₂din bu.

51 <<Uza₂ na igwan imakmak ûponzhi wò,
uza₂ nyám mmán pa₂ dəkər û nəm va₂ uza₂ gar,
ûDawuda ká₂ akum ìjilijili mbyet.>>

23

Nnap-nlà aDawuda ngga nkur anung

¹ Oga nnap-nlà aDawuda ngga nkur anung oma ta₂.

Oga nnap-nlà aDawuda uya aJese ununggwan,
nnap-nlà anəm va Inan rup ká₂ na,
unəm va Inan aYakubu gar pa₂ á yà uponzhi,
unəm oIsarila uga shì oga nnap-nshì
nchángchàng. Á là pa₂.

² <<ARuhu aYawe na nnap-nlà á mi pa₂ n là,
nnap-nlèla ka₂ asap anung mi.>>

³ Inan oIsarila á là nnap,
Ìpang oIsarila á là á mi pa₂,
<<Unəm va₂ kà nnəm iponzhi ka₂ apal onəm ká₂
nnandər,

uva kà nnəm iponzhi ká ayər Inan te,
⁴ uza₂ wá atak aghánghan aga anung ipin va i ba
nzəng ká nfa alum,
a va yà ká ìlulu iro kà ka₂,
wa atak aghanghan ka₂ nvəng ivər
a va i nak ipəpa i fa ka₂ mbin.>>

⁵ <<Nnandər, wa òna ta nzhi mi ka₂ mpyal Inan ka₂
dò?
Ka_kul uza₂ yar nsar nnap-nlà ngga mbyet ká₂
mi,

nsar nnap-nlà va uza ðamshi kang à yəl.
Nnandər, uza i nak mi myak,
ká nkpaktak iyam va mmami ka nduom.
⁶ Nnyi te, mi swang nkpaktak onəm onga ka cho
wa izú,
va mi wur ká awo kat.
⁷ Unəm va pa káp i dok izú te,
ya uza i nəm inok ká iyam wa acham kat te
akun abár.
Mí shì oza pa chatchat ká apər ka atak va oza
ra kà.>>

*Oshozha aDawuda oga nnyi ikum
(1 Nnap Nshet 11.10-39)*

⁸ Adin oshozha aDawuda oga nnyi ikum oma ta.
Unəm uga nggəshi te, uJosheb-Bashebet unəm
uga aTakemon, uwa unəm uga mpyal oshozha
oga oshatding va. Uza yar abár te, a gbəng onəm
ká igbəl pa inanne ka awalang azəngtəng.

⁹ Uga nvəvəng ka ashe onəm oga oshatding va
te uEleyazar uya aDodayi ununggwan ka akum
aAhoi. Uwa yà nzəng ká uDawuda ká ilum va
oza bák onəm oga aFilisti va but kakul nlung ikum.
Te onəm oga aIsarila chəng le nvəng,

¹⁰ nnyi te, uEleyazar sat gbəng oFilisti awo
ga wom na kang à mat na kà nvachi ka izər
ndokchi. UYawe na igwan pa makmak ka nda va
ta. Oshozha va ka chəng te, a le ga atak aEleyazar
kang oza ga wur iyam iga ngwur ka atak ikum.

¹¹ Ka nvəng aEleyazar te, uShamma uya aAgi
ununggwan unəm oHarar. Awalang va oFilisti
but ka atak aro va iram iro va yəl ká aso njiman
kà. Te oIsarila chəng oFilisti.

¹² Ñnyi te, uShamma sat ka ishimshe ìram va ta. Uza pángchí ìram va ta kang a gbáng oFilisti. UYawe na igwan imakmak.

¹³ Ka nda ro ka ashe awalang ngga mbún iyam te, onunggwan pa shatding ka ashe onunggwan isəm pa shatding oga ikum fa ga atak aDawuda ka ashe agbak aAdulam. Ka awalang ta te, oFilisti oma ləp apak ka mbandam aRefayim.

¹⁴ Ka awalang va ta te uDawuda wa ka atak mbwam, kang idongkong oshozha oFilisti ñnyi te, na ka ya ká aBet-Lehem.

¹⁵ Ndəng gbał nəm uDawuda te, uza là pa, <<Unəm uro ka pa ndəng nkápkap ngga anung asal ntar aBet-Lehem á mi ká na n wá.>>

¹⁶ Te oshozha oga ñnyi ikum oga shatding va ta kák ka ishimshe apak oFilisti, pa ndəng ka anung asal ga ntar aBet-Lehem, kang à ba ká ûDawuda. Ñnyi te, uza yang ká ngwuwa. Ka dor ngwuwa te, uza tar ka mbin ka mpyal aYawe wa iyam inana.

¹⁷ Uza là kà pa, <<UYawe á dang mi ká nnəm apir iyam va ta, nna pa ngwa nchər onəm va ta ova yáp ká irirì oza á.>> Kàkul nva ta te, uDawuda wa ndəng va ta kat. Oga iyam ichumchum va ta ovan nunggwan oga oshatding va ta nəm á.

¹⁸ UAbishayi uya aZeruya ugənanag aJowap uwa unəm uga mpyal ôvan nunggwan oga isəm pa ishating oga ñnyi ikum va* . Ka nda ro te, uza yar abár wò te, uza gbáng onəm igbał pa ishating. Wanta na uza nəm adin wa onəm oga ashating va ta kpa.

* **23:18 23.18** Oga nlir nro là ka ta pa onəm pa oshatding

19 Uza wa adidin dam mat ka ashe onəm oga shatding va ta. Kakul nva ta te, uza tal unəm uga mpyal oza, kap ka nva pa uza ya ka ashe oga oshatding va cho kat.

20 Te uBenaya uya aJehoyada ununggwan, unəm oga aKapzeyel, unəm uga nnyi ikum a nəm oga iyam ichumchum. Uza gbang onəm oMowap pa oparəm ova i lung ikum wa ilir á. Ka nda aro ka awalang va atak i rusok i pèng ká adədal va mi wor pa asuno te, uza fér ga ashe ache aro, kang à gba ilir ka ta.

21 Uza gba m ba agban anəm uro uga aMasar ro uva ká abár ka awo. UBenaya nnyi te, a ga atətak ká idari, kang uza ga vyat abár va ka awo anəm uga aMasar va ta kang a gba na ká.

22 Oga iyam va ta uBenaya uya aJehoyada ununggwan nəm, kang adidin dam wa adin onunggwan ikum oga oshatding va.

23 Mmá shep na ji onəm oga isəm pa ishatding va ji, nnyi te uza chu oga oshatding va cho kat. UDawuda nak na sat unəm uga mpyal onəm oga pangchi ikangkang wò.

24 Onəm va ta oma ka ashe onəm isəm pa ishatding va, oma,
uAsahel ugənang aJowap,
ká uElhanan uya aDodo ununggwan unəm
uga aBet-Lehem,

25 ká uShamma

ká uELika onəm oga aHarot,

26 ká uHelez unəm oga aPalti,

ká uIra uya aIkesh ununggwan unəm oga
aTekowa,
²⁷ ká uAbiyezer unəm oga aAnatot,
ká uShibekayi unəm oga aHusha,
²⁸ ká uZalmon unəm oga aAhohi,
ká uMaharayi unəm oga aNetofa,
²⁹ ká uHelep uya aBayana ununggwan unəm
oga aNetofa,
ká uItayi uya aRibayi ununggwan unəm oga
aGibeya ka akum ijili aBenjamin,
³⁰ ká uBenaya unəm oga aPiraton,
ká uHidayi ka oga mbandam aGayash,
³¹ ká uAbi-Albon unəm oga aArbat,
ká uAzmavet unəm oga aBahurim,
³² ká uEliyaba unəm oga aShayalbon,
ká ovan aJashen onunggwan,
ká uJonatan,
³³ ká uShamma unəm oga aHarar,
ká uAhiyam uya aSharar ununggwan, unəm
oga aHarar,
³⁴ ká uElifelet uya aAhasbayi ununggwan
unəm oMakati,
ká uEliyam uya aAhitofel unəm oga aGilo,
³⁵ ká uHezro unəm oga aKarmel,
ká uPayarayi unəm oArba,
³⁶ ká uIgal uya aNatan ununggwan unəm oga
aZoba,
ká uBani unəm oGat,
³⁷ ká uZepek unəm oAmmon,
ká uNaharayi unəm oga aBeyerot, uwa unəm
uga kpan iyam-wór ûJowap uya aZeruya
ununggwan,
³⁸ ká uIra,

ká uGarep onəm oga altiri,
³⁹ ká uUriya unəm oHiti.
Pa kpaktak te, oza isəm pa ishatding aman pa
nfangshat.

24

UDawuda kung iyəl oShozha (1 Nnap Nshet 21.1-27)

¹ Mmən ikum aYawe wong kađi kakul oIsarila,
kang uza nok uDawuda ka apal oza pa <<Ga, na
u kung iyəl oIsarila ká oga aYahudi.>>

² Te uponzhi là uJowap unəm uga mpyal ikum
oshozhashozha va nzəng ká na pa, <<Ga nzəng
ká abo onəm oga mpyal ikum ka ashe nkpaktak
oga akum ijili oIsarila, ban ka aDan, a ga chu
aBeyersheba, na ó kung iyəl onəm oga nlung ikum
na n nyi iyəl oza.>>

³ Te uJowap na aman uponzhi pa, <<Re uYawe,
Inan bu a nak onəm oIsarila a myak nvəng igbal
a jí ngga nyangmata. Re iwu anəm uga nzhi mi,
uponzhi á ya. Nnyi te, iza nak kang uponzhi i dom
pa o nəm iyam wa iva ta ya?>>

⁴ Te nnap-nlà aponzhi á kər nji aJowap ká nji
onəm oga mpyal oShozha. Te oza fa ka mpyal
aponzhi ga nkung onəm oIsarila.

⁵ Kà nvəng va oza pang awang aUrdun te,
oza ləp apak ka nkwandal aArowa, ka ishimshe
mbandam itong va ta, kang oza wòl asal awo aGat,
ba ga chu ajazer.

⁶ Te oza lyam ga aGileyat ka mbin aTatim-
Hodshi, kang oza ga aDan-Jayan, gaban gang
aSidon.

7 Te oza ga chu aTaya va ká akamsəlang, ká nkpaktak itong oHivi, ká nji oKanaana. Ka nkukur te, oza ga aBeyersheba ka nkandal aYahuda.

8 Ka nvangva oza gba ka nranggang ka ashe mbin pa chatchat te, oza le aUrushelima ka nvang ape pa fangzəngtəng ka nra isəm pa iparəm.

9 Te uJowap là iyəl onungguan va kur nlung ikum chit ūponzhi. Ka aIsarila te, ikalong igba pa inanne (800,000), kang ka aYahuda te, ikalong igba pa itukun (500,000).

10 Nnyi te, ka nvangva uDawuda gba ka nkung onəm chit pa kpaktak te, ichəgwak ləp na, kang uza là ūYawe pa, <<N nəm nnap-mbángbang á bu chit pa makmak ka atak nkung onəm va n nkung ta. Nyangmata te, mmami ka nchál bu aYawe pa u yar mpat ūzwal bu, kakul n nəm mpərək mak byet.>>

11 UDawuda wong pa ó yenda ká ipin te, uYawe là nnap chit ká uGat unəm uga nkam nre ka atak Inan, uwa dəkər i là nre Inan ūDawuda, pa,

12 <<Ga na u là uDawuda pa, <UYawe là pa ò na iyam á bu pa shatding na u yak pa izəng ka ashishe va mi nyám ntàn á bu ká.> >>

13 Te uGat ga atak aDawuda kang a là á na pa, <<U dom pa ayang á tar mbin bu ka apal izun pa ishating dò? Kat te, ú nəm inok nchər ka mpyal okpa ikum bu ka apal ape pa shatding? Kat te, u yak pa arwa aga ngbáng onəm á gang mbin bu ka apal nra pa nshatding dò? Nyangmata te, rəng nnap kà, na u na aman á mi va mi là uYawe va re mi.>>

14 Te uDawuda là ûGat pa, <<Mmami ka ashe ndaktak imakmak. I kakap pa i tar awo aYawe, kakul uza unəm ga nrwa igwak. Nnyi te, kang uza re yi ka awo anəm kat.>>

15 Te, uYawe re nre ká arwa aga ngbáng onəm va ru ka mbin oIsarila, a ban ká ipin va ta ba chu nkur ilum va uYawe nak. Onəm ikalong isəm pa ifangshat (70,000) kú ban ka aDan ga chu aBeyersheba.

16 Awalang va umaleka aYawe yichi awo wò pa o zhì aUrushelima te, mbək anung oza ga adór ûYawe kang uza là umaleka uga nzhì onəm pa, <<Akur chit, le ká awo bu.>>

Ka awalang va ta te, umaleka aYawe va ta ka atak-túm aArawuna unəm oJebusi.

17 UDawuda ya uMaleka uga nzhì onəm va te, uza là ûYawe pa, <<N nəm nnap-mbángbang, mmami na n nəm mpat, onəm ta te wa itam. Iza oza nəm kpa yà? N chal pa akwali bu á fər ka apal mi ká nzhì mi.>>

18 Kà ilum va ta te, uGat ba atak aDawuda kang a là á na pa, <<Ga na u me atak nshì iyam awop ûYawe ka atak-túm aArawuna unəm oJebusi.>>

19 Te uDawuda wong ga wà nva uYawe là ka atak aGat á.

20 Awalang va uArawuna dər kang à ya uponzhi ká onəm inunok kà mba atak wò te, uza fa kuchi ká asal iwu ka mbin ka mpyal aponzhi.

21 UArawuna là ûDawuda pa, <<Irirì aponzhi agbàng. Iza ba ká uponzhi ka atak mi yà?>>

Te uDawuda na aman á na pa, <<M ba pa na n yáp atak-túm bu va ta, na n me atak nshì iyam

awop ûYawe, na arwa ga ngbáng onəm va ta á sat.>>

²² Te uArawuna là ûDawuda pa, <<Re unəm uga nzhi mi, uponzhi, á wur iyam va pa káp uza dom na uza a nəm awop ká. Oga ina oma ta kakul iyam ipapa iga nshì, oga akun aga mpæk iyam oma ta, ká akun aga nggantal ina ká ishak kakul akún aga mmaḱ apər.

²³ Oga iyam va ta pa kpaktak aponzhi, mmami uArawuna n na á bu.>>

UArawuna là ûponzhi kpa pa, <<Re uYawe, Inan bu á kam iyam inana bu.>>

²⁴ Nnyi te, uponzhi na aman uArawuna pa, <<O'o, mi yáp ká mbwai. Mi yà ka nná iyam inana nləfər ûYawe Inan mi ká iyam imwa kaṭ.>> Te, uDawuda yáp atak-túm va ta, ká ina va ta ka nung aazurfa ashekel isəm pa itukun.

²⁵ UDawuda me atak nshì iyam awop ûYawe ka ta. Uza yichi iyam inana iga nshì ká iga ntəm ikangkang. Nna chit te uYawe man afar kakul mbin dak, kang arwa-bángbáng ngga ngbáng oIsarila va gəl.

Tarok Bible

The Holy Bible in the Tarok language of Nigeria

copyright © 2024 Luke Initiative for Scripture Translation

Language: (Tarok)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-10

PDF generated using Haiola and XeLaTeX on 19 Dec 2025 from source files dated 10 Jul 2025

501af3c5-12fd-5965-ade7-9600b2d02717